

本堂銀串八折逐日九
五每逢朔望現錢九扣
惟售洋銀無折無扣如
行情漲跌朔望增減定
價劃一童叟無欺

本堂發兌各省道地藥材揀選
泡製飲片虔修丸散膏丹杜煎
虎鹿龜驢諸膠秘製四時沙甌
花露各種香油藥酒秘方一切
妙藥採辦外洋官燕閩東毛角
鹿茸野山高麗東西洋參凡

仕宦巨商賜顧者認明杭城薦
橋大街豐禾巷口坐南朝北石
庫門內仙苑為記便是

本堂發子各首節女樂古軒

總序

粵自神農氏作本草肇興後
代遞有增益至明李時珍集
為綱目而藥品於焉大備夫
欲治天下之病必蓄四方之
藥炮製修合既非旦夕之功

草木金石類多貴重之品苟
非選材務精曷克沉痾立起
故藥肆之設所以為醫者備
其用而為病者儲所需也
先君子夙以利濟為心解組
來杭恒思設肆萃遠方珍異

之品按隨時配製之方便惟
求本質不居奇庶足以待用
無遺而回生有情惜有志未
遑遽捐餼舍予小子承先
人之素志不敢怠荒竭數載
之經營始克集事竊以為治

病固資夫藥而用藥必本諸
方昔賢有言藥雖出於醫手
方多傳於古人古人之製方
也審臟腑之好惡察氣味之
逆從配君臣佐使之宜別大
小奇偶之制惟其義精而思

遠故能藥列而病除爰是裒
集經聽之方著明主治之證
分門燦列薈萃成書使夫補
瀉溫涼法無不備汗吐下和
病有取資開卷莫不了然按
圖而皆可索其於人生日用

不亦至切而甚便乎至於藥
必選其上材製悉遵夫古法
飲片既極其精潔丹丸尤矣
以信誠庶幾推先人利濟
之奉懷佐良醫救時之妙用
以冀民無夭札世登仁壽是

則本堂區々之志願所自
信而亦可共諒於世人者耳
是為序

歲在

光緒十一年歲次乙酉仲夏月
穀旦

萬承志堂主人謹識

凡例

一本堂選製諸方必遵古法其有世俗相沿妄改古方藥味而仍用其本名或增減其分兩或製法引藥各殊者悉攷古本更正以免誤人

一世俗相沿常用之方多有不本古法而亂拈多味拉襍成方者其名雖若甚美其害亦且無窮今本堂概從刪節不復製備擇之不厭其精用之庶期其效耳

一方藥各有主治攻補寒熱判然兩途今人偶立一方動云百病皆治是欲以欺人而不顧誤人也是

書立論必確指主治何證專入何經不取矜誇之
談不尚籠統之說庶令閱者開卷了然對證發藥
可以無誤也

一丹丸一書所以著明各方主治之證必本古人成
說始有實效可觀乃或師心自用擅改原文或率
意立言藥不對證甚有所列證治與本方大相違
背者誤人誠非淺鮮今本堂詳求古書參互攷訂
必期方論吻合確切病情語不支離效如桴鼓但
使因病以求方不難按圖而索驥非敢有心立異
實欲仁壽同登區區苦心識者諒之 本堂主人識

萬承志堂丸散膏丹全集

總目

補益心腎門

脾胃泄瀉門

飲食氣滯門

痰飲咳嗽門

諸風傷寒門

諸火暑濕門

婦科門

兒科門

卷

眼科門

外科門

諸膠門

諸膏門

花露門

酒油門

萬承志堂丸散膏丹目錄

補益心腎門

十全大補丸

丸

天王補心丸

丸

大補全鹿丸

丸

八仙長壽丸

丸

人蔘養榮丸

河車大造丸

七寶美髯丹

楊氏還少丹

補中益氣丸

汁

濟生歸脾丸

丸

金匱腎氣丸

丸

桂附八味丸

丸

七味都氣丸

附子理中丸

六味地黃丸

丸

知柏地黃丸

丸

丹溪大補陰丸

健步虎潛丸

固精威喜丸

孔聖枕中丹

東垣滋腎丸

局方黑錫丹

益陽金液丹

金鎖固精丸

腎厥玉真丸

補腎金剛丸

水陸二仙丹

三才封髓丹

荆公妙香散

硃砂安神丸

人參固本丸

青囊斑龍丸

五子衍宗丸

景岳左歸丸

景岳右歸丸

補腎青娥丸

廣嗣葆真丸

黑歸脾丸

ㄙ

肉桂七味丸

濟生腎氣丸

ㄙ

附子七味丸

滋陰八味丸

耳聾左慈丸

ㄨ

滋陰百補丸

栝子養心丸

培元震靈丹

松石豬肚丸

補腎二至丸

斑龍二至百補丸

宮芳草靈丹

歸芍地黃丸

ㄨ

參麥六味丸

ㄨ

坎離既濟丸

甯神定志丸

扁鵲玉壺丸

延齡廣嗣丸

滋補大力丸

附子都氣丸

陳氏八味丸

良方安腎丸

駐顏天真丸

真人萃仙丹

健陽老奴丸

打老兒丸

千金補腎丸

平補鎮心丹

固陽天真丹

無比山藥丸

珀琥多寐丸

萬氏參茸丸

脾胃泄瀉門

參朮健脾丸

健脾資生丸

參苓白朮丸

脾腎雙補丸

東垣平胃丸

黑地黃丸

香砂六君丸

六君子丸

四君子丸

橘半枳朮丸

香砂枳朮丸

治痢香連丸

脾約麻仁丸

濟生四神丸

金匱備急丸

神效虎肚丸

東垣和中丸

止痛良附丸

平熱戊己丸

七味豆蔻丸

丁香爛飯丸

枳實導滯丸

仲景吳茱萸丸

歸芍六君丸

濟生二神丸

香薷六味丸
東亞平胃丸
參苓白朮丸
參朮續命丸

六味生肌丸
黑龍黃丸
神智雙麻丸
對神資生丸

神胃蠲滯丸

飲食氣滯門

丹溪越鞠丸

中滿分消丸

茱運左金丸

神方禹餘糧丸

消痞阿魏丸

大黃蠱虫丸

理疝蘆巴丸

河間舟車丸

二味枳朮丸

消積保和丸

葛花解醒丸

烏梅安胃丸

木香檳榔丸

木香順氣丸

茴香橘核丸

仲景眞武丸

仲景十棗丸

沉香化氣丸

小安腎丸

丹溪小溫中丸

舒肝烏龍丹

秘製鎮坎散

沉香化滯丸

化滯十香丸

定痛五香散

薰製神麪

香砂平胃丸

枳實消痞丸

蘇合香丸

養心氏金波

中蘇氏金波

丹莖蘇氏金波

木香消痞丸

蘇合香丸

蘇合香丸

蘇合香丸

痰飲咳嗽門

礞石滾痰丸

消痰二陳丸

三因控涎丹

青州白丸子

指迷茯苓丸

清氣化痰丸

竹瀝達痰丸

導痰小胃丹

瘧疾半貝丸

癩癩白金丸

血症十灰丸

癩症鎮心丹

金水六君丸

加味百花丸

滋陰順哮丸

哮病丸

九轉靈砂丹

甯嗽丸

大補元氣丸

養血補腦丸

金匱六經丸

補腦汁丸

養血中興丸

育嬰堂丸

清滋養腎丸

三因益壽丹

新百病丸

養血丸

滋陰丸

補腎丸

和百病丸

養血丸

補腦汁丸

養血中興丸

育嬰堂丸

清滋養腎丸

三因益壽丹

新百病丸

諸風傷寒門

犀黃至寶丹

局方紫雪丹

靈寶如意丹

局方牛黃清心丸

人參回生再造丸

仲景鱉甲煎丸

通幽半硫丸

更衣丸

玉屏風散

菊花茶調散

局方碧雪丹

太乙來復丹

圖經養正丹

搜風順氣丸

虎骨木瓜丸

防風通聖丸

九製稀莖丸

避穢辟瘟丹

蠲痛活絡丹

辰砂寸金丹

聖濟驚甲丸

川芎茶調散

鎮邪獺肝丸

聖濟大活絡丹

頭風透頂散

分

萬氏牛黃丸

易老天麻丸

河間地黃丸

神效疇鼻散

神香蘓合丸

代抵當丸

諸火暑濕門

當歸龍薈丸

痔漏臟連丸

腸風槐角丸

藿香正氣丸

靈寶痧氣丸

太乙紫金錠又片

諸葛行軍散

萬應平安散

痧氣臥龍丹

太乙救疫丹

急救雷公散

黃連上清丸

清熱三黃丸

痢疾駢車丸

清熱二妙丸

黃疸絳礬丸

清暑香薷丸

實症清甯丸

20

九製大黃丸

加味逍遙散

六合定中丸

秘授霹靂丸

神效濟生散

辟瘟丹
丸

錢乙瀉膏丸

東垣潤腸丸

痧氣奪命丹
丸
丸

三丰伐木丸

海藏消暑丸

鎮癩甯心丸

黃連阿膠丸

八寶紅靈丹

清濕三妙丸

保和丸

婦科門

秘製白鳳丹

斗

八珍益母丸

四物益母丸

婦寶甯坤丸

速產兔腦丸

玉液金丹

以

回生至寶丹

婦科烏金丸

艾附煖宮丸

七製香附丸

四製香附丸

千金止帶丸

千金保孕丸

種子濟陰丹

舒鬱葱白丸

調經種子丸

婦寶勝金丹

女科八珍丸

斗

婦科濟陰丸

九製香附丸

九氣心痛丸

內補養榮丸

調經養血丸

失笑散

婦科奪命散

當歸養血丸

補元調經丸

毓麟保胎膏

大頭益母丸

治帶固下丸

烏鰂骨丸

兒科門

牛黃抱龍丸

琥珀抱龍丸

調養肥兒丸

犀角解毒丸

兒科金蟾丸

兒科兌金丸

九味蘆薈丸

兒科回春丸

五福化毒丸

小兒肥瘡藥

牛黃鎮驚錠

小兒滾痰丸

育嬰化痰丸

硃黃琥珀丸

神效癩頭藥

八珍糕

百益鎮驚丸

小兒化痰丸

太乙保元丹

神效保命丹

使君子丸

鷓鴣涎丸

鷄肝散

一釐丹

逐寒蕩驚散

之順斗

理中地黃丸

香砂助胃丸

小兒疳積散

次和蘇香散

良神回春散

良神金銀散

良神金銀散

臨養明良散

單承神效散

半黃硫磺散

避瘟神效散

眼科門

石斛夜光丸

眼科磁硃丸

杞菊地黃丸

類苑羊肝丸

廿

除風扶桑丸

鵝毛管眼藥

光明水眼藥

眼科保瞳丸

洗眼碧玉丸

明目地黃丸

廿

明目疾黎丸

太玄進呈還睛丸

立效還明膏

再造還明丸

萬應撥雲膏

保瞳圓明膏

眼科濟陰丸

光明燥眼藥

明日上清丸

立效靈丹膏

神效靈丹膏

萬應靈丹膏

光明水煎藥

刺風丹桑皮

驅痰散黃皮

百損齊黃皮

明日上清丸

光明水煎藥

刺風丹桑皮

驅痰散黃皮

萬應靈丹膏

神效靈丹膏

立效靈丹膏

光明水煎藥

刺風丹桑皮

驅痰散黃皮

三

十

外科門

保安萬靈丹

梅花點舌丹

飛龍奪命丹

立馬回疔丹

外科蟾酥丸

神效螻蛄丸

琥珀蠟礬丸

牙痛一粒笑

神效頑癬藥

內消癰癧丸

兩頰生香散

傷科八釐散

擦面一光散

離宮錠

坎宮錠

治毒紫霞丹

千金不易丹

救苦勝靈丹

蟾酥錠

萬應靈膏

以作
加料如
另加

梯陽洞天毓真膏

消痞狗皮膏

外科礪砂膏

三陰瘡疾膏

神效頭風膏

觀音救苦膏

疥瘡麻黃膏

傷科七釐散

一掃光瘡藥

擦面玉容丸

大楓子油

吹耳紅棉散

蠟礬丸

小金丹

犀黃醒消丸

の

牙痛玉帶膏

た

清紫濕金膏

陽和解凝膏

附喉症秘方

牛黃生肌散

三

冰梅丸

冰梅上清丸

清音鐵笛丸

萬應喉中散

開喉金鎖匙

雄黃解毒丸

萬應丹

少 少

少 少

張黃樓議狀

李德用中燈

李德用中燈

李德用中燈

州府議狀

萬里長

開列全燈

南齊書

本州

地

二

水

杜煎諸膠門

全副虎骨膠

杜煎鹿角膠

杜煎毛角膠

杜煎麋角膠

杜煎鹿腎膠

杜煎霞天膠

杜煎黃明膠

龜鹿二仙膠

杜煎玄武膠

二

〃〃〃

〃〃〃

〃〃〃

〃〃〃

〃〃〃

〃〃〃

〃〃〃

〃〃〃

杜煎鱉甲膠

110

純黑驢皮膠

110

四腿虎骨膠

110

杜煎狗腎膠

110

杜煎虎頭膠

110

杜煎鹿角膠

110

杜煎羊骨膠

110

杜煎鼠膠

110

全圖

110

杜煎燕窩膠

110

諸膏門

潞南黨參膏

崑崙黃芪膏

太極兩儀膏

耀仙瓊玉膏

固精金櫻膏

生津雪梨膏

益肺枇杷膏

調經益母膏

消堅夏枯膏

个

定痛豨薟膏

補腎桑椹膏

金釵石斛膏

天麥二冬膏

平肝玫瑰膏

秘製代參膏

各種花露門

金銀花露

玫瑰花露

薔薇花露

白荷花露

茉莉花露

早桂花露

白菊花露

夏枯草露

枇杷葉露

地骨皮露

鮮稻頭露

鮮橄欖露

鮮佛手露

鮮霍香露

薄荷葉露

鮮生地露

霜桑葉露

黃菊花露

陳香櫞露

香青蒿露

桂樹子露

桂樹葉露

桂樹根露

桂樹皮露

紫藤芬露

薔薇芬露

金盞芬露

谷馨芬露門

馬蘭頭露

雞生散露

雞骨香露

雞骨散露

雞骨皮露

夏草露

早掛芬露

白荷芬露

野蘭芬露

藥酒香油門

史國公酒

京方加皮酒

養血愈風酒

參桂養榮酒

虎骨木瓜酒

佛藍洋參酒

逐寒肉桂油

溫胃檀香油

散風薄荷油

理氣丁香油

...

...

...

...

...

...

...

...

藥香並門

補益心腎

夫人有虛勞之證或由秉賦本虧或由斲喪
太早必需用藥以補益之然受病各殊製方
亦異有五臟六腑之偏勝有陰虛陽虛之異
體一或誤用其方必致反增其疾不可不審
證而用藥也夫怔忡驚悸為心之病遺精淋
濁為腎之病咳嗽喘滿為肺之病眩暈癱瘓
為肝之病洩瀉膨脹為腸胃之病此其易知

者也而其中有臟腑之生尅經絡之傳變或
毗於陰或毗於陽又有陰盛格陽反現熱證
陽盛格陰反現寒證毫釐偶差死生立判貴
合脉證以叅觀乃不誤投夫藥餌今本堂取
補益之品集經驗之方或固本以扶陽或滋
陰而降火法必師古用可宜今為良醫供其
驅使俾病者得所取資虛損之證可除本體
之元自復矣

補益心腎門

十全大補丸

專治氣血兩虧。骨蒸勞熱。遺精便濁。自汗盜汗。頭目眩暈。耳作蟬鳴。形體瘦弱。四肢倦怠。飲食少思。兩足浮腫。凡久病虛損。一切陰陽兩虧之症。並皆治之。每服三四錢。早晚用白滾水送下。

天王補心丹

專補心血。甯神定志。聰耳明目。治津液枯竭。健忘怔忡。及大便不利。口舌生瘡等症。久服則火不炎而神清水不滲。而精固。乃養心之聖藥。每服三四錢。臨卧燈芯湯送下。

大補全鹿丸

鹿一名斑龍。性稟純陽。其一身之物。各有益處。今本堂購自關東。選配上藥。按古法虔製爲丸。每早空心。以淡薑湯。或姜湯溫酒送下。四五錢。能補諸虛百損。五勞七傷。中年命門火衰。老年陽痿。乏嗣。溫暖丹田。滋補腎水。溫而不燥。補而不滯。久服扶陽助陰。生精益髓。壯筋健骨。聰耳明目。精神倍增。耐老延年。功難縷述。

八仙長壽丸

夫腎者。藏精之舍也。陰藏屬水。而命門之真火存焉。是爲水中之火。元陽所居。若夫勞損傷精。以致腎水不足。虛火

上炎。尅於肺金。咳嗽吐血。頭目眩暈。耳內蟬鳴。喉啞舌乾。午後發熱。骨蒸盜汗。遺精便濁等症。蓋因水虧火旺之故。此丸滋其化源。常服則陰平陽秘。壽命延長矣。空心淡鹽湯下三四錢。

人蓂養榮丸

方書云。陽生而陰長。氣行而血隨。人蓂養榮丸。治氣血兩虧。能補氣養血。一切積勞虛損。發熱惡寒。四肢倦怠。肌肉消瘦。顏色枯槁。短氣喘吸。食少作瀉之症。並皆治之。每服三四錢。早晚白滾水送下。

河車大造丸

此方合補肺腎以金水爲生化之源故治先天不足諸虛百損五勞七傷能養陰退熱補髓生精凡咳嗽潮熱損症漸成及男子精虧婦人胎弱等症每服三四錢早晚空心白滾水送下

七寶美髯丹

此方治周痺麻木腎虛無子消渴淋瀝遺精崩帶最能固氣澁精壯筋骨而益下焦助命門而煖丹田常服心腎交通烏鬚固齒每服四錢淡鹽湯送下或黃酒亦可

楊氏還少丹

此方大補心腎能使水火交通治脾胃虛寒飲食少思發

熱盜汗。遺精白濁。真氣虧損。肌體羸瘦。肢節倦怠等症。每服三四錢。鹽湯送下。久服耐老延年。功難縷述。

補中益氣丸

治勞役內傷。飲食失節。頭痛惡寒。懶言少食。始得之時。脈大而虛。與外感頗似。不可不辯。凡病中氣不足。元氣下陷。陽虛自汗。或久病瘧痢不愈。脾虛困倦。口不知味。腹中不和。一切氣虛身熱百病。所謂甘溫能除大熱是也。每服三四錢。空心姜棗煎湯送下。忌生冷厚味房勞。

濟生歸脾丸

夫脾屬於土。位居中央。爲五臟之綱領。若乃憂思過度。勞

傷心脾。以致健忘怔忡。驚悸不寐。大便不調。四肢無力。發熱體倦。及婦人經血虛損等症。多因用藥失宜。尅代脾胃。此丸每服三四錢。白滾水送下。能健脾養心。益氣甯神。戒氣惱憂思。生冷油膩。

金匱腎氣丸

此方治脾腎兩虛。腰重脚輕。小便不利。胸腹膨脹。嘔吐不食。四肢浮腫。喘急痰盛。已成蠱症。其效如神。凡氣血兩虧。腎水乾涸。此丸最宜多服。每服三四錢。淡盞湯送下。

桂附八味丸

本方專治腎虛腰痛。少腹拘急。小便不利。遺精淋濁。臍腹

冷痛夜多漩溺久服則水去而陰不傷扶陽而火不升所
云益火之源以消陰翳也每服三四錢空心淡鹽湯送下
七味都氣丸
凡人腎水不足虛火上炎移熱於肺以致津液不生咳嗽
痰喘咽痛聲啞所以肺受尅而諸病叢生此由腎氣不納
之故當以治腎爲先每服三錢淡鹽湯送下

附子理中丸

治太陰經病自利不渴陰寒腹痛氣短冷嗽反胃嘔吐飲
食難化胸膈噎塞心腹疼痛霍亂轉筋四肢麻痺手足厥
冷泄瀉不止一切沉寒痼冷之症每服三四錢用淡姜湯

送下。

六味地黃丸

治腎陰不足。血虛發熱。自汗盜汗。水泛爲痰。消渴遺精。便血淋濁。眼花頭眩。耳聾咽乾。牙齒不固。腰腿痿軟等症。此丸不寒不燥。最能滋補腎水。凡少年水虧火旺。病屬陰虛者。宜常服之。早晚淡鹽湯送下。三四錢。大有功效。

知柏地黃丸

此丸治腎水虧損。盜汗發熱。虛煩腰痛。耳鳴淋瀝。骨痿髓枯等症。少年之人。相火易動。故加黃柏知母。以滋腎水。則陰精愈固。水火濟而臟腑和。所謂壯水之主。以制陽光也。

每服八十九空心淡鹽湯送下

丹溪大補陰丸

此方專降陰火滋腎水。一切腎虛火動耳鳴耳聾口舌生瘡咽乾發渴手足心熱等症俱效如神。此乃介以潛陽法較六味丸之力更優也。每早晚空心淡鹽湯送服三四錢。

健步虎潛丸

治腎氣虛損陰虛火盛筋骨無力行步艱難腿痠足軟腰痠耳鳴麻木浮腫鶴膝風症及陽事痿弱陰囊冷汗虛痰虛火能壯元陽滋腎水乃治痿症之神方也。每服三四錢空心鹽湯或黃酒送下。忌燒酒及房事。

固精威喜丸

治丈夫元陽虛憊。精氣不固。餘瀝常流。小便白濁。夢寐遺洩。及婦人血海久冷。白帶白淫。下部常濕。小便如泔。久不受孕。有續絕補髓之功。能補斷喪之陽。分理潰亂之精。服時空心細嚼。俟滿口生津。徐徐嚥下。以小便清利爲度。忌醋。

孔聖枕中丹

人之精與志皆藏於腎。腎精不足。則志氣日衰。不能上通於心。故迷惑善忘。此方能通腎氣。上達於心。使火降而心甯。故治讀書善忘。安神定志。久服令人聰明。每服三錢。臨

卧用龍眼肉煎湯嚼爛送下。脾胃虛者姜棗同煎送下。

東垣滋腎丸

治腎水虧竭。虛火上炎。肺痿聲嘶。喉痺痰結。咳血煩躁等症。此能伏龍火。清燥金。使火有所歸。水有所主。則諸症自愈。每服三錢。淡鹽湯送下。

局方黑錫丹

治元氣無根。痰鳴氣喘。上實下虛。面赤汗淋。陽氣欲脫。及脚氣奔豚。兩脇膨脹。此丹能鎮納元氣。墜下痰沫。升降陰陽。誠救急良藥也。兼治痘疹內陷。苦寒攻發太過。陽氣暴脫等症。每服四十丸。姜湯送下。

益陽金液丹

治命門火衰。沉寒錮冷。勞傷虛損。傷寒陰症。及小兒慢驚風痺。每服一錢。米飲湯送下。

金鎖固精丸

治真元不固。夜夢遺精。腰痛耳鳴。四肢無力。體漸羸瘦。面色無光。困倦少食。此藥固真氣。壯元陽。滋腎水。降心火。每服三四錢。淡鹽湯送下。忌房事勞碌。燒酒蘿蔔諸血。

腎厥玉真丸

治腎氣厥逆。頭痛如劈。不可忍受。謂之腎厥。由命門火衰。上實下虛。此能達陰降逆。大有神功。每服錢半。姜湯送下。

補腎金剛丸

治腎虛精敗。濕着下焦。流於筋骨。屈曲不舒。開節疼痛。肢體痿弱。腰膝沉重。不能起床等症。每服三錢。空心溫酒或鹽湯送下。

水陸二仙丹

治男子腎虛精滑。遺精白濁。玉門不固。淋瀝不禁。女子夢交帶下。腰痠膝軟。行步無力。腎氣虛損等症。每服三錢。空心淡鹽湯送下。

三才封髓丹

此方降心火。益腎水。滋陰養血。潤而不燥。中和純粹。培養

心腎之神品也。能補陰氣。虛人老人便結者。可常服之。每服三四錢。淡鹽湯送下。

荆公妙香散

治心腎不交。邪火妄行。夢遺泄精。驚悸鬱結。此能交通水火。安神補氣。解穢辟邪。每服三錢。黃酒送下。

硃砂安神丸

心主血而藏神。經曰。靜則神藏。躁則消亡。故以養心安神爲先。世人嗜好色慾。每至精神昏亂。寤寐不安。驚悸怔忡。怪夢頻作。用是丸以治之。則心竅清明。神志倍益。博聞強識。絕少遺忘矣。每服三錢。臨睡燈芯湯下。

人參固本丸

肺主氣。氣爲人身之根本。肺氣既虛。火又相尅。則成肺勞。於是發熱咳嗽。咯血肺痿諸症。此丸專治肺勞虛熱。相火刑金。一切損傷元氣之症。肺腎爲子母之臟。故兼能益腎填精。滋陰補水。每服三四錢。空心龍眼湯送下。或白滾水亦可。

青囊斑龍丸

鹿睡以首向尾。善通督脈。是以多壽。頭爲諸陽之會。茸角鍾於鹿首。非尋常之屬。故曰斑龍。成都道士歌云。尾闕不禁滄海竭。九轉靈丹都漫說。惟有斑龍頂上珠。能補玉堂。

關下穴。此丸治諸虛百損。駐顏益壽。每服三四錢。淡鹽湯送下。

五子衍宗丸

此藥專治年老無子。能補腎氣。生精血。開尿竅。閉精竅。常服之。可以蕃育子嗣。故名衍宗。每服三四錢。空心淡煎湯溫酒任下。

景岳左歸丸

左歸者。滋腎水。真陰之謂也。凡人腎陰一虧。則諸病生焉。以致虛火上炎。肌膚憔悴。骨蒸潮熱。消渴飲水。或咳嗽成勞。痰中帶血。夢遺精滑。淋瀝白濁。以上諸症。皆真陰虧損。

之所致也。此藥滋腎水。降虛火。生津液。固精血。久服水升火降。陰與陽齊。則無病矣。每服三四錢。空心淡鹽湯送下。

景岳右歸丸

右歸者。補命門真火之謂也。真火既衰。則種種虛怯之症作矣。所以身體羸瘦。面色無光。飲食難化。食物成痰。或淋瀝冷痛。小便不禁。寒疝癥瘕。遺精白濁。久無子嗣。陽痿不興。興而不固。精神短少。氣血虧損。下元虛憊。如是等症。皆命門火衰。真陽不足之故也。此藥培元陽。固真氣。堅筋骨。添精髓。久服大有功效。每服三四錢。空心淡鹽湯或白滾湯送下。

補腎膏娥丸

腎爲藏精之舍。腎虛精竭。或爲風濕冷氣所乘。則腰痛作焉。其症腰間似有重物垂墜。名曰腎着。此藥能溫暖丹田。滋補腎水。扶陽助陰。祛風除濕。誠治腰痛之總司也。常服益腎固齒。養血生精。烏鬚黑髮。返老還童。每服三四錢。淡鹽湯送下。忌油菜羊血。

廣嗣葆真丸

嗣續之道。獨言調經。專責坤道者非也。假如良田雖厚。不得堅實之種。雨澤雖多。苦無太陽之照。豈能結實者乎。此丸起陰發陽。強健身體。益腎水。保命火。雖老人亦能種子。

性味和平。多服最妙。每服四錢。空心溫酒鹽湯送下。

黑歸脾丸

此丸治陰虛血熱。妄行勞傷。心脾怔忡。健忘。一切驚悸盜汗。腸紅崩漏等症。每服四錢。開水送下。

肉桂七味丸

腎水虧損。不能制火。則相火必致上炎。變生勞怯諸症。用此丸引火歸原。虛火自息。腎陰可滋。此熱因熱。用從治之法也。每服三四錢。空心淡鹽湯送下。忌蘿蔔燒酒房慾勞碌。

濟生腎氣丸

治口舌生瘡。面紅目赤。相火上炎。齒牙浮動。凡上熱下寒。服涼藥而更甚者。以此丸潛其眞火。養其陰氣。則水升火降。而諸症悉除矣。每服三四錢。淡鹽湯送下。

附子七味丸

治命門火衰。陰盛惡寒。氣虛便溏。陽虧多汗等症。每服三錢。淡鹽湯送下。

滋陰八味丸

治陰虛血熱。肌肉羸瘦。形體枯槁。唇口乾燥。並骨蒸內熱。五心煩熱等症。每服三錢。開水送下。

耳聾左慈丸

耳屬腎竅。凡水虧火升。上盛下虛。則致耳聾耳鳴。眼目昏花等症。此丸能通耳竅。滋真陰。每服三錢。空心淡鹽湯送下。

滋陰百補丸

治陰虛火旺。頭目眩暈。耳聾耳鳴。腰腿痠痛。行步無力。及午後發熱。五心煩躁。肌肉消瘦。骨蒸勞熱等症。丹溪所謂勞瘵。主乎陰虛是也。此藥專滋枯竭之水。而清亢甚之火。久服則陰陽協和。水火既濟矣。每早晚空心淡鹽湯送下。三四錢。

柏子養心丸

今人勞心過度。以致心血不足。精神恍惚。夜多異夢。健忘。怔忡。驚悸。不寐。此心失其養所致。此丸常服。能甯神定志。養血滋陰。每服三四錢。空心白滾水送下。或龍眼燈心煎湯更妙。

培元震靈丹

治男子真元衰憊。上盛下虛。頭目眩暈。心神恍惚。及心腎不足。精滑夢遺。膀胱疝墜。小便淋瀝。氣結血滯。久瀉久痢。並治婦人崩漏。赤白帶下。子宮寒冷。不孕等症。溫酒送下。忌食諸血。孕婦勿服。

松石豬肚丸

治男子濕熱小便頻數夢遺白濁女子赤白帶下穢臭等症每服四錢米飲送下

補腎二至丸

凡人精髓堅固血氣充實則百病不生至於老人氣血虛弱腎精虧損腰背不可屈伸又或時見痠痛者宜服此丸可補腰膝壯筋骨益腎強陰烏鬚黑髮此方取冬夏二至以名亦陽生陰長之義也淡鹽湯或酒任送每服七十九空心臨卧服之

斑龍二至百補丸

專治元精內竭陽事痿弱小便頻數及夢遺自汗腰膝無

力久服壯元陽多子嗣駐顏延壽添精益腎大有奇效每服三四錢空心淡鹽湯送下

宮芳草靈丹

此丹添精補髓返老還童並能聰耳明目固齒強筋一切腎水虧耗此能補之久服祛除寒濕自有奇效每服三錢空心淡鹽湯或黃酒任下

歸芍地黃丸

此丸能補陰血治男婦陰虛血少頭眩耳鳴午後潮熱腰痠背痛一切血虛火旺等症每服三錢白滾水送下

參麥六味丸

治肺腎兩虧。津液枯燥。火升痰盛。久嗽不止。口乾舌燥。精神衰弱。毛髮焦枯。一切金水不足等症。每服三錢。開水或淡鹽湯送下。

坎離既濟丸

腎爲水臟。爲坎。心爲火臟。爲離。心腎不交。則虛火上炎。津液枯竭。口燥舌乾。骨蒸發熱。五心煩躁等症。作矣。此丸能使水升火降。以成既濟之功。每服三四錢。空心淡鹽湯送下。常服養精神。和血脈。甯神益腎。其效無窮。

甯神定志丸

人身水火充足。則精神爽健。夢寐安酣。若夫神不守舍。恍

惚不甯。善忘多夢。或盜汗遺精。怔忡驚怖。或長夜不寐。白晝倦怠。皆因思慮勞神。耗散心血所致。此丸每服三錢。圓眼湯送下。或燈芯湯亦可。

扁鵲玉壺丸

道書云。金精滿鼎。氣歸根。玉液盈壺。神入室。指人身而言也。此丸治命門火衰。一切陰寒惡症。陽氣暴絕。寒水膨脹。有補元固脫之功。每服一二錢。空心米飲溫下。

延齡廣嗣丸

專治男子下元虛損。久無子嗣。陽痿不興。興而不固。腎寒精冷。遺尿不禁。腰腿痠痛。行步無力。耳鳴眼花。鬚髮早白。

皆先天稟受不足。少年斲喪過度所致也。此藥益髓添精。興陽種子。真有長春廣嗣之力。益斯衍慶之功。每服三四錢。淡鹽湯送下。開水亦可。忌燒酒蘿蔔諸血。

滋補大力丸

此丸治五臟虛衰。諸虛百損。五勞七傷。脾胃爲萬物之本。心血爲一身之宰。久服脾胃健壯。多進飲食。肌肉漸生。腎力添增。兼能滋益腎精。使精強氣旺。腰膝有力。不生疾患矣。每服三錢。空心淡鹽湯送下。

打老兒丸

人當中年以後。心腎虧損。氣血漸衰。小便無度。遺精白濁。

腰脚痠重。一切虛損之症。皆作。久服此丸。延年益壽。返老還童。功難盡述。鹽湯或溫酒下三四錢。

附子都氣丸

治命門火衰。陽虛惡寒。小便頻數。下焦不約。哮喘痰多。精神委頓。飲食不思。大便溏泄等症。每服三四錢。空心開水送下。

千金補腎丸

耳爲腎竅。腎乃藏精之本。腎氣足。聽斯聰矣。若腎虛精竭。水虧火炎。則有耳鳴耳聾之症。此丸能滋腎水。補命火。卷精氣。逐風邪。久服大有奇效。每空心用淡鹽湯送下三錢。

陳氏八味丸

治腎陰不足。虛火上炎。面赤足冷。口舌生瘡。牙根潰蝕。一
治陰虛火旺。損怯等症。每服三錢。空心淡鹽湯送下。

平補鎮心丹

治心血不足。時或怔忡。夜多亂夢。臥寐不安。驚悸健忘。久
服能安心腎。益榮衛。甯神定志。和肝清熱。每服三錢。空心
米飲湯送下。

良方安腎丸

凡人腎水既虧。則相火上炎。每見齒痛浮動。諸證若服涼
藥。其火愈升。必用降納之劑。引火歸原。則龍雷之火頓然

而熄。是丸治房事過多。真氣虛敗。腎火不安其位。以致牙
疼。頰腫。每服三錢。空心淡鹽湯送下。

固陽天真丹

此丸專治下焦陽虛濕勝。其症臍腹冷痛。腿腫如斗。囊腫
如瓜。肌肉堅硬。形容枯槁。服之即能消腫除濕。固下扶陽。
功難盡述。每服三四錢。空心溫酒送下。

駐顏天真丸

凡人氣血充實。則形容豐滿。脾胃壯健。不生諸疾。若亡血
過多之人。津液內竭。形體外羸。或且飲食不進。腸胃滑泄。
由於氣血兩虧。胃中虛冷故也。此丸能益氣生血。暖胃駐

顏○爲○失○血○者○補○養○之○妙○劑○所○謂○精○不○足○者○補○之○以○味○也○每
服○三○四○錢○溫○酒○送○下○

無比山藥丸

夫○脾○腎○虛○損○則○氣○血○不○和○飲○食○不○生○肌○肉○或○食○少○腹○脹○所
以○形○體○瘦○弱○飲○食○無○味○腰○膝○痿○軟○精○神○倦○怠○此○藥○收○撮○腎
氣○培○補○元○陽○兼○能○健○脾○助○胃○常○服○令○人○肥○健○每○服○三○錢○白
滾○水○送○下○

真人萃仙丹

夫○精○者○以○腎○爲○都○會○之○所○腎○水○足○則○精○液○充○腎○水○虧○則○精
液○耗○致○使○元○氣○不○足○精○神○恍○惚○夜○夢○遺○精○腰○腿○痠○軟○中○年

無子。精泄使濁等症。每服三錢。淡塩湯送下。

琥珀多寐丸

凡心腎兩虧者。必有怔忡健忘。寤寐不安。心神恍惚之病。皆心血不足。腎氣虧損故也。本堂虔製此丸。不惜重貲。端治虛損等症。服之安心神。補血氣。而夜無驚寤矣。每以燈芯湯送下三錢。

健陽老奴丸

能培植元陽。固精補髓。長血脉。壯筋骨。起陽種子之仙方也。服之輕身不老。返本還元。凡中年陽痿。老年無嗣。其效如神。每服三錢。開水送下。

萬氏參茸丸

此藥能添精補髓。起陰壯陽。專治陽痿不興。精薄無子。補先天之不足。益腎氣之虛乏。凡少年虛弱。下元不固。老年乏嗣。房事不舉者。並宜常服。每晚用淡鹽湯送下。一丸功效大著。

卷六

夫。道。之。不。可。言。也。宜。當。體。而。求。之。不。可。言。也。夫。道。之。不。可。言。也。宜。當。體。而。求。之。不。可。言。也。夫。道。之。不。可。言。也。宜。當。體。而。求。之。不。可。言。也。

道不可言

脾胃泄瀉

人自有生以來先天固有定分而後天必賴培
養後天者脾胃是也脾居中土為萬物之所歸
臟腑經絡皆藉以滋榮灌溉內經所謂脾脈者
土也孤臟以灌四旁者也胃為倉廩之官五味
所出即五臟之所稟氣故曰陽明者十二經脈
之長穀入於胃以傳於肺五臟六腑皆以受氣
此經一有虧損則精液不升糟粕不降傳道皆

失其職而泄瀉之證作矣其所以受病之故則
有數端大抵飲食不節飢飽不時勞役過度寒
溫失序致傷中氣或暑月溼令方行多食寒泉
水果溼蘊成熟傷及脾陰皆能泄瀉治之必以
胃氣為本而用藥攻中有補補中兼消胃氣調
和瀉利自愈是書所選諸方悉奉古法健脾為
主而佐以快膈寬中祛溼平熱之品培養後天
之法畧具於此神而明之則存乎其人耳

脾胃泄瀉門

參朮健脾丸

治脾胃氣弱。宿食停滯。大便不調。飲食難化。飽悶嘈雜。胸膈膨脹。一切內傷食積等症。每用米飲送下三四錢。小兒一二錢。夫脾胃受傷。則須補益。飲食難化。則宜消導。此藥消中有補。能健脾胃。忌生冷油膩。煮麵糖食。

健脾資生丸

專能養胃健脾。益氣補中。調和五臟。滋補榮衛。消食化痰。凡男女老幼。脾胃虛弱。氣血不足。食少體瘦。飢飽失宜。不思飲食。虛膨脹滿。嘔吐痰水。大便不調。四肢乏力等症。並

宜服之兼治婦人懷妊氣阻脾虛嘔吐或胎滑不固此兼
消兼補之劑每服三錢早晚滾水送下或米湯亦可忌食
生冷

參苓白朮丸

此藥善調脾胃止久瀉久痢大便不實飲食不消胃膈不
快脾胃虛憊氣虛下陷吐瀉不止每服三錢米飲湯送下
忌生冷油膩麵食

脾腎雙補丸

專治脾腎虛寒飧泄腹痛或酒濕傷脾或飲食嘔惡陽虛
精滑等症每服三四錢開水送下

東垣平胃丸

專治脾胃不和。飲食停滯。痞隔中滿。內傷油膩。生冷濕勝。腹滿外受寒暑風濕。以致憎寒壯熱。頭痛身重。兩脅作脹。胃寒嘔逆。嘈雜吐酸。飲食少進。二便不調。及遠行不服水土等症。並皆治之。每服淡姜湯送下三錢。

黑地黃丸

凡人資始於腎。資生於胃。腎陰不足。胃陽不宣。則百病叢生。此丸治脫血脾寒。能補益脾胃。兼治房勞過度。胃臟虧損。面色青黃。及下焦濕熱。足膝痿弱。血虛久痔等症。每服三錢。姜湯送。或米飲黃酒送下。

香砂六君丸

脾胃不健。則運行失職。食不易化。漸至脹滿。嘔惡。中焦痰聚。濕勝泄瀉。是丸培中理氣。和補中焦。每服三錢。開水送下。

六君子丸

治一切陽虛氣弱。痰飲內停。脾虛食減。大便溏泄。此丸健脾進食。順氣化痰。每服三錢。開水送下。

四君子丸

主治脾虛氣弱。飲食少思。面黃體瘦。此能培土生金。凡脾肺兩虛之症。並可治之。每服三錢。開水送下。神效。

橘半枳朮丸

此藥健脾養胃。消痞化痰。快膈寬胸。多進飲食。有痰有滯。能消。脾虛胃弱。能補。每服二三錢。早晚用淡姜湯送下。白滾水亦可。

香砂枳朮丸

此藥治脾胃虛寒。飲食減少。胸膈痞悶。宿酒宿食。不能消化。嘔吐惡心。中膈氣滯。並宜服之。每服二三錢。食遠臨卧。用白滾水送下。

治痢香連丸

夫痢者。乃濕熱食積。寒熱不調所致。濕熱傷血。分則赤。傷

氣分則白。氣血俱傷則赤白相雜。黃者食積。黑者濕盛也。其症臍腹疼痛。或下鮮血。瘀血紫黑。血白膿。或如豆汁。或如魚腦。裏急後重。晝夜無度。此藥瀉脾胃之濕熱。消臟腑之積滯。每服二錢。空心米湯送下。

脾約麻仁丸

夫腎主五液。潤澤則大便如常。若飢飽勞役。損傷胃氣。及食辛熱厚味。而助火邪。耗散真陰。津液虧少。故大便結燥。有熱燥風燥。有陽結陰結。有年老氣虛。津液不足。而結燥者。治當辛潤爲主。傷寒論曰。小便數。大便難者。病名脾約。不可攻下。以麻仁丸潤之。此丸潤而甘緩。能存津液。每服

三錢。空心開水送下。

濟生四神丸

柯韻伯曰。瀉利爲腹疾。而腹爲三陰之都會。一臟不調。便能瀉利。此方統治三陰下利。每夜子後作瀉。乃脾腎兩虧之故。能煖脾土。制腎水。舒肝木。凡五更腎泄之症。火衰胃寒之候。服之甚有功效。每服二三錢。臨睡時。空心淡鹽湯送下。

金匱備急丸

大凡寒濕傷人。六脈俱閉。心腹滿痛。大便不通。此由寒氣冷食。停留胃中。仲景製此丸以拯救。乃治陰結之症。故用丸散全集

溫下之法也。兼治中惡客忤。猝暴口噤等症。服之最效。但此乃峻厲之藥。非急莫施。故曰備急。每用溫水或酒送服三四丸。孕婦忌服。若口噤不開。須化開三丸。從鼻孔中用筆管吹入。自下於咽。

神效虎肚丸

凡治反胃噎膈之症。宜以扶助正氣。解鬱舒結爲主。此方專治五噎五膈。飲食難下。雖下不多。入胃良久。復又吐出。名曰反胃。每空心姜湯送下一錢。能去濕化滯。順氣豁痰。調和脾胃。通利三焦。飲食日增。自然漸愈。忌厚味房勞。

東垣和中丸

此藥調和脾胃。解鬱寬中。專治嘔吐惡心。泄瀉痢疾。裏急後重。肚腹疼痛。及呃逆噎氣。吞酸嘈雜。噎膈痞滿。凡腸胃不和。中脘鬱阻。變生諸病。並皆治之。每服三錢。清茶滾水。淡姜湯任下。孕婦忌服。

止痛良附丸

治胃脘氣滯。胸膈軟處。有一點痛者。此因氣因寒所致。或終身不愈。或母子相傳。宜服此丸。能祛寒止痛。其效如神。每服三錢。米飲湯送下。

平熱戊己丸

脾胃居中。火爲戊己土。若肝木燥盛。以尅相傳。則中土失

其○飧○而○吐○瀉○吞○酸○作○矣○此○丸○治○肝○熱○傳○脾○吞○酸○嘔○吐○熱○痢○
熱○瀉○等○症○每○服○二○錢○開○水○送○下○

仲景吳茱萸丸

治○肝○氣○上○逆○食○穀○欲○嘔○或○吐○涎○沫○甚○則○吐○利○並○作○頭○痛○肢○
冷○由○於○胃○氣○虛○寒○理○宜○補○土○散○寒○以○調○臟○腑○而○諸○病○自○消○
矣○空○心○用○米○飲○湯○送○服○二○錢○

七味荳蔻丸

治○腹○中○積○滯○已○通○而○脾○土○虛○寒○腸○胃○滑○脫○久○痢○不○止○及○小○
兒○痘○後○虛○寒○腹○瀉○等○症○每○服○三○錢○白○滾○水○送○下○

歸芍六君丸

此丸平補肝脾。和中養血。治脾胃虛弱。飲食無味。嘔吐痰涎。並治婦女月事不調。氣滯腹痛。每服三錢。開水送下。

丁香爛飯丸

胃爲水穀之海。乃生化之原。胃氣弱。則五臟六腑無所滋養。是丸最能通胃氣。祛胃寒。專治脾胃虛弱。飲食傷中。食滯不化。脘腹疼痛等症。每服二錢。開水送下。

濟生二神丸

專治腰疼腹痛。飲食不思。便溏泄瀉。脾虛不能制水。腎虛不能行水。每服三錢。米湯送下。

枳實導滯丸

丸散全集

脾胃泄瀉

六

萬承志堂

人生飲食不節。則濕熱易生。或為泄瀉。或成腫脹。脘腹阻滯。疼痛作焉。是丸清三焦積熱。導脾胃濕滯。消食利氣。除痞寬中。功專推蕩。每用開水送服三錢。

此丸專治脾胃不和。飲食不化。胸膈痞滿。嘔吐酸水。不思飲食。或為泄瀉。或成腫脹。脘腹阻滯。疼痛作焉。是丸清三焦積熱。導脾胃濕滯。消食利氣。除痞寬中。功專推蕩。每用開水送服三錢。

飲食氣滯

飲食所以養生貴乎中和不可太過不及貪食過飽壅塞難消為百病之根治法當量其虛實分其久近或用峻攻或用半消斟酌得宜攻效立見若不倫老幼不辨虛實不問新久不分水穀但云停滯混而治之以一派益浪之藥辛熱有毒之味欲取速效為害甚大古法布在方策不過開闔奪鎖之法暫救一

時之急豈為常用之藥余自設堂以來品選
道地炮製如法擇半消半補之古方修合丹
丸濟人利物之心不敢自欺也

增食原劑

飲食氣滯門

丹溪越鞠丸

大凡濕痰食火氣血失調。皆能鬱聚於胸腹之間。以致運化失常。飽悶膨脹。兩脇刺痛。噯氣吞酸。嘔吐惡心。上不能升。下不能降等症。此丸一切治之。每服二三錢。早晚白滾水送下。

消積保和丸

凡食積飲停。脾不運化。滯於腸胃之間。則痞滿吐酸。腹痛泄瀉。滯下等症作矣。此丸理氣消滯。每服三錢。開水送下。

中滿分消丸

丸散全集

飲食氣滯

凡鼓脹之病。總因脾胃虛弱。轉輸失職。故清濁相混。隧道壅塞。遂成脹滿。其病外堅中空。有似乎鼓。故曰鼓脹。此藥能行氣而消痞。分利陰陽。調暢水道。使脾氣運行。而脹滿自消也。每服三錢。早晚用燈心湯下。白滾水亦可。忌煮麵鹹食。

葛花解醒丸

此方專治飲酒太過。上爲嘔吐痰水。惡心煩亂。下爲便溏泄瀉。腸胃濕滯。及頭疼發熱。口燥舌乾。消渴飲水。小便不利等症。每服三錢。濃茶送下。衣被宜煖。但得汗出。則宿酒漸解而愈。

茱連左金丸

肝居於左。肺居於右。左金者。謂使金令得行於左。以平肝木也。人多鬱怒。則肝火動。火動則左脇脹痛。或胃脘當心刺痛不止。牽連腰腹。夫脇者。乃厥陰肝經之地。此藥能使火不尅金。金能制木。則肝平矣。凡吞酸筋痛等症。皆可服之。每服一二錢。開水送下。忌惱怒。又治噤口痢。湯藥入口卽吐者。本方加糯米一撮。濃煎吞服。神效。

烏梅安胃丸

治厥陰久痢。或厥腹痛。濁氣攻逆。嘔吐痰涎。吞酸醋心。或時厥逆。手足逆冷等症。此能安。或止痢。每服二三錢。米飲。

送下。

神方禹餘糧丸

一名大針砂丸

凡水腫鼓脹。皆因脾虛不運。此丸能煖水藏。通治三十六種水氣。腹膨脚腫。上氣喘急。小便不利等症。每服三十丸。開水送下。最忌鹽一毫不可入口。否則病愈甚。

木香檳榔丸

此藥治胸腹積滯。痞滿結痛。大便不通。或泄瀉下痢。裏急後重。食滯實積。量人虛實。服二三錢。以大便通利爲度。凡痢疾多有宿垢。必借此以推蕩之。此通因通用之意。然係峻厲之劑。非有大熱實積。不可輕投。食遠清茶送下。

消痞阿魏丸

治諸般積聚。癥瘕痞塊。必須量人虛實。實者可服二錢。開水送下。食後頻食胡桃肉。以除藥氣。過虛者忌服。

木香順氣丸

治食積氣滯。痞悶嘔吐。腹脹疼痛。此丸能通三焦滯氣。舒鬱消食。每服三錢。開水送下。

大黃廕虫丸

治五勞虛極。羸瘦腹滿。不能飲食。勞傷憂傷。房室傷。肌膚傷。食傷。飲傷。經絡營衛氣傷。內有乾血。肌膚甲錯。兩目黯黑。一切瘀血成勞等症。酒送五丸。每日三服。

茴香橘核丸

治小腸疝氣。腎子大小。偏墜疼痛。或小腹有形。上下走痛。或堅硬不消。日漸長大。痛引臍腹。甚則癰腫潰爛。病由寒濕所致。每服二三錢。空心淡鹽湯。或黃酒送下。忌勞碌氣惱風寒房慾。

理疝蘆巴丸

疝症之名有七。有寒疝。水疝。筋疝。血疝。氣疝。狐疝。癩疝。皆足厥陰肝經所主。狀亦不一。或囊冷結硬如石。陰莖不舉。此寒疝也。或膚囊腫脹成瘡。時出黃水潰爛。此水疝也。或陰莖腫脹。忽痛忽痒。裏急筋縮。挺然不收。此筋疝也。或狀

如黃瓜。小腹兩傍結爲癰腫。此血疝也。或偏墜牽痛。此氣疝也。或臥則入小腹。行立則出小腹。入囊中。上下無定。此狐疝也。或大如升斗。不痒不痛。此癩疝也。此丸通治諸疝。而寒疝尤神效。每服三錢。空心姜湯送下。或黃酒亦可。

仲景眞武丸

治少陰腹痛。脾腎虛寒。頭眩心悸。四肢沉重。或咳。或嘔。小便不利。內有水氣。脹滿。每服三四錢。淡姜湯送下。

河間舟車丸

凡腫屬於脾。脹屬於肝。水之不行。由於脾之不運。脾之不運。由於木盛而來侮之。是以不能防水。而泛濫洋溢也。此

丸能治一切水腫水脹。飲癖積氣。形氣俱實者。脾運則腫脹自消矣。每服五分。五更時開水送下。此是峻厲之劑。不可多服。中病而止。病甚者。忌鹽醬百日。

仲景十棗丸

專治蓄水作痛。懸飲咳逆。心皖痞鞭。兩脇刺痛。及乾嘔短氣。下利水腫等症。每服一錢。米飲下。神效。

二味枳朮丸

此方能補脾胃。消積滯。先補其虛。而後化其傷。故雖消導而不峻厲。主治氣結痰滯。心下痞悶。久服健脾進食。每服三錢。空心開水送下。

沉香化氣丸

人以氣爲主。氣有阻滯。則爲病。今人不知調攝。憂思忿怒。以逆其氣。致有積滯中滿。五膈五噎之症。此藥能升清降濁。主治飲食停滯。氣逆不舒。胸滿惡心。脅脹腹痛。或面目四肢浮腫。一切諸症。每服一二錢。臨卧淡姜湯送下。

小安腎丸

專治男子腎虛寒疝。辜丸腫脹。體瘦神倦。腰膝沉重。泄瀉腸鳴。女子胞門受寒。少腹疼痛等症。每服二三錢。淡鹽湯送下。

化滯十香丸

治濕滯寒滯六鬱氣凝一切疼痛每服三錢開水送下癩
疝之屬溫酒送下

丹溪小溫中丸

凡中焦滿悶痰凝氣滯皆由憂思恚怒七情過擾或嗜酒
少穀濕蘊熱鬱肝木乘脾所致此藥能化痰消滯平肝助
脾每服二錢陳皮湯送下忌食鹽

定痛五香散

經云風氣通於肝故肝風之作也則胃脘爲之疼痛甚則
牽及胸腹男子肝木失養常有此症而婦人爲尤甚此散
宣利三焦疏導壅滯發散蘊熱專治中脘不快心腹脹滿

兼散腫痛結核。實爲定痛妙藥。每服二錢。黃酒送下。立見效驗。

舒肝烏龍丹

人身肝氣最橫。每能于犯他臟。牽引作痛。故鬱怒傷肝。則氣冲上逆。胸脇疼痛。四肢厥冷。久之遺精帶下。虛勞成疾。此丹能調肝氣。則肝平而體亦舒。久服飲食日進。虛勞可補。靈驗異常。開水送下二錢。

萬製神麪

神麪方藥非一。造釀各殊。不得良方善法。效驗鮮著。本堂遵古良方。揀選上料藥品。釀造精醇。氣秉芬芳。性兼溫散。

故能調中下氣。開胃健脾。寬胸止泄。化水穀。消宿食。去胸中積滯。除心膈痰滿。兼治外感風寒初起。及酒後嘔吐。並遠行不服水土等症。取效如神。凡士商遠出。隨身珍藏。可以救人急病。功難盡述。每服二三錢。小兒減半。

秘製鎮坎散

專治水臟腹大異常。硬如鼓。急氣逆而喘。二便不通。或面目浮腫。是散藥性平和。不獨治水有益。且能寬中調氣。屢試屢驗。每服一錢。陳酒或米飲湯送下。

香砂平胃丸

凡人內傷油膩生冷麴麥等物。脾胃虛寒。不能消化。則有

痰滿痞膈食積腹脹諸疾。久而脾胃愈傷。勢必吐瀉並作。夫脾胃爲後天之本。傷則絕其生化之源。今製是丸。以和胃益脾。化痰消食。兼治不服水土。及感受山嵐瘴氣。皆可服之。每用開水送服三錢。

沉香化滯丸

治過食生冷油膩。脾胃受傷。胸脘飽悶。噯氣欲嘔。腹脹作痛。此由停滯不化。並治一切氣塊。每服三錢。開水送下。

積實消痞丸

治中虛氣滯。胃腹痞悶。痰多欲嘔。惡食倦怠等症。每服三錢。開水送下。

痰飲咳嗽

痰之為害非止一端治法莫如理氣氣順而火自降火降而痰自消此一定之理也尤當培養脾胃倘脾胃虛弱不能運化津液積而成痰內隱伏於臟腑閉塞氣道而為嘔為喘為嗽外流走於經絡布散週身而為痛為麻為木或為癱瘓種種痰飲千狀萬態一語豈能盡乎惟有扶脾養胃法順氣道使津液流

通於腎臟則無敗濁之痰耳

此木皮為藥能動氣... 治... 痰... 腎... 臟... 則... 無... 敗... 濁... 之... 痰... 耳

通於腎臟

痰飲咳嗽門

礞石滾痰丸

治濕熱食積痰涎風熱上壅。咳唾稠粘。肺氣不清。膈上鬱痰。心下嘈雜。及中風痰壅。言語癡狂。一切實熱老痰。變生怪症。百病每服五六十丸。食遠白滾湯。或清茶送下。若病在上者。臨卧同蜜少許。嚼碎噙化。徐徐嚥下。孕婦虛勞人勿服。

消痰二陳丸

治一切痰飲為患。或嘔吐腹滿。嘈雜惡心。或咳嗽痰喘。乾嘔心煩。或噎膈脹滿。飲食不下。或頭目眩昏。心神驚悸。或丸散全集

四肢筋骨卒痛。每服二三錢。早晚用淡姜湯送下。忌厚味
氣惱。

三因控涎丹

專治男婦。忽患胸背手足腰項筋骨牽引鉤痛。走易不定。
或手足冷痺。氣脈不通。此皆濕痰爲患。兼治瘰癧魚口便
毒。貼骨陰疽。每用淡姜湯送下五六分。病去卽止。虛弱者
少服。忌與甘草全服。

青州白丸子

治男婦風痰壅盛。手足癱瘓。嘔吐涎沫。口眼喎斜。牙關緊
急。及小兒慢脾驚風。此治風痰之上藥也。每服二三十丸。

淡姜湯下。癰瘰酒下。驚風薄荷湯下。五七丸。

指迷茯苓丸

治痰飲停滯中脘。脾氣不能運行。以致臂痛難舉。手足不得轉移。及產後痰喘。四肢浮腫等症。每服三錢。姜湯送下。

清氣化痰丸

汪訥菴曰。氣之亢而爲火。猶民之反而爲賊。賊平則還爲良民。而復其業。火退則還爲正氣。而安其位。故化痰必以清氣爲先。此藥清肺甯嗽。氣清則胸膈寬舒。痰化則咳嗽自止。常服健脾進食。降火消痰。安中定喘。大有神效。每服二錢。食遠清茶送下。胸膈不利。生姜湯下。忌生冷油膩椒

酒動火等物。

竹瀝達痰丸

夫人氣順則津液流通。何痰之有。若氣血津液稍有阻滯。則隧道不通。凝滯而爲痰飲。故有五飲之症。如痰在四肢。臂痛難舉。則非竹瀝不除。此藥專治老痰結痰。寒痰濕痰。風痰積痰。一切痰症。無不效驗。每服二錢。早晚清茶送下。

導痰小胃丹

治胸膈腸胃間熱痰鬱結。脹滿氣血壅滯。能導痰熱下行。臨臥白滾湯送下一二錢。欲利空心服之。

瘧疾半貝丸

瘧之爲病。多挾痰涎。此丸主治瘧疾。或日發。或間日發。並
理咳嗽多痰。飲食無味。癩眩等症。每服二錢。淡姜湯送下。
癩癩白金丸
諸陽爲狂。諸陰爲癩。多因痰血塞於心竅。此丸能去惡血。
除老痰。則心竅自開。無論遠年近日。皆可服之。每服二錢。
九節菖蒲湯下。

血症十灰丸

大凡吐衄崩下。皆是經絡散行之血。常血循經。一定之理。
今乃無分上下。奔涌妄行。以致不得循經。則病變百出矣。
此丸統治吐血。衄血。崩中。下血。一切血出不止。每用滾湯

送下三錢。

痼症鎮心丹

治痰迷心竅。狂言妄笑。如見鬼魅。癡呆昏迷。神識不清。心火熾盛等症。每服一丸。開水化服。

金水六君丸

治肺腎兩虧。相火浮動。或年邁陰虛。血氣不足。咳嗽多痰。喘急等症。每服三四錢。淡姜湯送下。

加味百花丸

此為理嗽要藥。專治陰虛火動。吐血咳嗽。舌乾聲啞。上焦鬱熱。或肺痿肺癰。痰中帶血。最能潤肺甯心。泄熱下氣。早

晚服一丸。細嚼米飲送下。忌房勞氣惱動火之物。

滋陰順哮丸

哮爲痼疾。與喘相似。其實有不同者。呀呼不已。喘息有音。此內熱而表寒閉之。以致痰涎結於肺俞。此丸調和肺臟。定喘祛痰。久服自見功效。每用開水送下二錢。

哮病丸

哮病有五。曰痰風水蘊冷哮是也。發時氣喘痰壅。若不早治。則終身不止。恐久而愈難治也。此丸能祛寒痰。治一切哮吼之症。以及痰氣結胸。咳嗽時發。皆可服之。每用姜湯送服一錢。小兒減半。

九轉靈砂丹

主治涎痰壅盛。上實下虛。或鬼邪相侵。神昏顛倒。水泛爲痰。頭暈吐逆。沉寒錮冷。陽虛欲脫。此丹能驅邪安神。升降陰陽。和臟腑而助元氣。誠如九轉還丹。功成非易服之應驗。甚神。每服三五丸。用米飲或人參湯送下。

甯嗽丸

肺屬金。畏火者也。遇熱則嗽。金性剛燥。惡冷者也。遇寒則嗽。肺有寒熱。若不表散。則邪氣留連。久嗽不止。此丸溫潤和平。既無攻擊過當之虞。大有啓扇驅賊之勢。是以投之而嗽甯也。每用滾水送服二錢。

諸風傷寒

素問有言風者百病之長至其變化乃為他病其藏於皮膚之間善行而數變腠理開則洒然寒閉則熱而悶故或為寒中或為熱中或內至五臟六腑其病各異又曰人之傷於寒也則為病熱三陰三陽循徑而傳或愈或死是知外感諸疾以風為首風之傷人無所不入受之者輕則為感冒重則為傷又重則

為中真氣既虛外邪湊之在絡則肌膚不仁
在經則重不能勝入腑即不識人入臟即舌
強難言是為中風症候診治尤難治法宜審
其寒熱虛實分其經絡臟腑如難經所謂各
隨其經所在而取之斯無誤耳本堂慎選諸
風經方遵古炮製丸散以便醫家病家審擇
而用即遇危險之證亦皆取携甚便庶病無
不備之藥人無難愈之證矣

諸風傷寒門

犀黃至寶丹

治中風不語。中惡氣絕。疫癘瘴毒。時氣內陷。邪入心胞。神
識不清。傷寒狂言。唇口燥裂。心肺積熱。嘔吐煩躁。氣喘吐
逆。神魂恍惚。頭目昏眩。兼治婦人難產。悶亂死胎。不下小
兒。急驚心熱。諸癘客忤等症。乃安神定魄之神丹也。每服
一丸。竹葉燈心湯送下。或用人參煎湯。或童便生姜汁下。

局方紫雪丹

治傷寒時疫。卒死溫瘧。五種尸疰。心腹疼痛。火毒內閉。癍
疹不透。壯熱狂妄。目赤叫走。瘡痘毒悶。一切邪熱。火毒穿

經入臟等症。並解蠱毒鬼魅。及小兒驚癇百病。此丹善能化毒消火。功效甚捷。每服五六分。重者一錢。蘆筭湯送下。

靈寶如意丹

此係京都東華門外。皮贊公祖傳秘授良方。有青囊一卷。爲記。能治傷寒瘟疫。邪熱疔毒。發背癰疽。惡瘡初起。九種心胃氣痛。胸腹脹滿。癩癩風迷。中風中痰。中暑中寒。冷熱癰脹。跌打損傷。小兒急驚。一切治症繁多。照單用引服之。無不效驗。

一治傷寒。一。二。三。四日。不論傳經。風寒咳嗽。用葱鬚生姜陳酒熱服。蓋被取汗。

一治初起惡瘡疔毒等症。俱用葱鬚生姜好酒熱服。取汗愈。

一治疔瘡走黃。用好黃酒服。刺破疔頭。用藥二丸入內。以膏藥封上。腫毒自消。

一治天泡楊梅瘡初起。葱頭生姜無灰酒熱服。取汗。次日用滾水服。七日全好。

一治諸瘡破者。用生黃芪銀花煎湯送下。

一治瘡疾。草菓槓榔湯下。心胃寒氣疼痛。淡姜湯下。

一治瘟症疹子不出。葱鬚黃酒下。

一治兩脇脹悶刺痛。小茴香湯下。

一治惡心嘈雜滾水冲砂仁湯下。

一治噎膈咽喉胸膈疼痛桔梗柿蒂湯下。

一治虫心胃痛檳榔湯下九種胃疼艾醋湯下。

一治口眼喎斜手膀麻木鮮姜桂枝酒煎下。

一治腰脚疼牛膝桑寄生湯下。

一治飢飽勞碌沙參湯下。

一治忘前失後九節菖蒲湯下。

一治牙疼白滾湯下。啣一粒於患處可止疼。

一治水蠱葶藶子湯下。氣蠱木香柿蒂湯下。疝腮噲化。

一丸。

一治大小便不通。生蜜湯下。

一治偏墜疼痛。小茴湯下。

一治小便尿血。車前子湯下。

一治白濁下淋。葱鬚湯下。

一治顛癇風迷。姜湯下。久者服一七。

一治鬼迷鬼魘。鬼交桃仁去皮煎湯下。

一治霍亂轉筋。木瓜湯下。

一治懷孕婦。過月不產。高粱粟煎湯下。

一治產後血暈。炒黑荆芥湯下。

一治子死腹內。白芥子湯下。

一治產後肚脹。川樸煎湯下。

一治產後見神見鬼。黑荆芥當歸湯下。

一治婦人經閉。紅花桃仁湯下。

一治跌打墜馬。不省人事。黃酒童便下。自便亦可。

一治火燒湯泡。用一眼。火毒不致內攻。

一治小兒奶積。食積。風寒驚啼。不會眠。藥化一丸。放乳

頭上。無有不效。

一治小兒痘疹。炒麥芽煎湯下。

一治中酒毒。廣陳皮煎湯下。

一治中風不語。痰涎神昏。姜湯下。

一治噤口痢石蓮子煎湯下。

一治痢疾黃連湯下。

一治紅痢紅花湯下。

一治水瀉車前湯下。

一治陰寒胡椒湯下。

一治白痢吳萸湯下。

一治癰瘰淡姜湯下。

並治一切辯不明之症。開水送下。小兒一週至二三歲者。每服二丸。大人每服六七丸。

局方牛黃清心丸

治男婦中風。緩縱不隨。語言蹇澀。痰涎壅盛。或卒然暈倒。口眼相引。手足攣搐。脊背強直。口吐涎沫。或癲狂癩病。神不守舍。或歌或哭。或癡或呆。如見鬼神。或驚悸恐怖。心神

恍惚或棄衣登高踰垣上屋。及小兒急慢驚風。天吊客忤。寒熱發搐。痰逆氣喘。仰視反張。一切風氣百病。大人病輕者。每服一二丸。重者二三丸。小兒看年紀大小增減。照引送下。功效神異。

痰涎壅塞 心竅迷悶 中風卒倒 牙關緊閉

腰脊強直 五癩風痰 竹瀝姜汁下

心神恍惚 驚怖不甯 心火積熱 小便赤黃

竹葉湯下 其餘諸症白滾水或淡薑湯下

小兒驚風 一切雜症 薄荷湯下

忌生冷魚腥熱毒之物孕婦勿服

人參回生再造丸

治真類中風。痰厥氣厥。偏風偏廢。紫白癩風。口眼喎斜。癩
癩痰疾。風寒濕痺等症。用淡姜湯化服。治左癱右瘓。半
身不遂。骨節疼痛。筋脈拘攣。手足麻木。步履艱難等症。用
溫酒送下。此丸能固本培元。搜風順氣。平肝養血。豁痰
清心。宣通百脈。真有回生再造之功。孕婦勿服。

仲景鱉甲煎丸

治瘧母內結。癥瘕。外作寒熱。久發不止。每服七丸。開水送
下。日服三次。虛者參湯送下。服至一二月。或下腸垢。澀沫。
則漸漸消去。若以猛藥攻擊。痞散成膿。則致不救。忌諸般

蛋卵菱豆鷄麵生冷硬物。

通幽半硫丸

治高年之人。大便虛秘冷秘。及一切痲癰冷氣。能溫脾胃。每服三四十九丸。溫酒或姜湯任下。

更衣丸

凡便秘之人。多由血燥肝虛。津液枯槁。法當潤下。此丸平肝養血。兼治傷寒後邪結腸胃。大便不通等症。米飲送下。二錢。

玉屏風散

凡人身之陽氣。所以衛外而爲固。陽虛不能衛外。則表虛。

而長風。此方治自汗不止。氣虛表弱。腠理不密。易感風寒等症。每服三錢。開水送下。

菊花茶調散

頭爲諸陽之會。偶遇風熱上攻。則必頭暈目眩。發熱鼻塞。畏寒毛聳。此散能祛風退熱。主治偏正頭風。並風火目痛。牙疼及婦人血風攻上。太陽穴疼等證。服之自愈。臨臥用清茶調下二錢。

局方碧雪丹

專治三焦積熱。口舌生瘡。咽喉腫痛。狂妄昏憤。二便秘結。一切天行時疾。實熱諸症。凉水調服二三錢。

太乙來復丹

治啖食生冷。伏暑傷脾。裏寒外熱。霍亂吐瀉。頭疼腹痛。中
腕閉結。四肢厥冷。神昏欲脫。陰陽錯亂。每服二錢。米飲送
下。小兒驚風痰喘。研細調服一錢。並效如神。

圖經養正丹

治中風痰涎壅塞。不省人事。四肢逆冷。唇青自汗。上盛下
虛。頭旋眩暈。欬逆反胃。霍亂吐瀉。並傷寒陰盛陽微等症。
此藥升降陰陽。接續真元。功難盡述。每服三十丸。淡鹽湯
送下。

風順氣丸

此丸專治中風風秘氣秘○便溺阻膈不通○或血滯氣滯○津液不能流行○以致徧身虛癢○及風熱流入大腸○致成腸風下血等症○用以搜風順氣○潤燥通幽○誠妙劑也○每服三四錢○開水送下○

虎骨木瓜丸

專治腰腿疼痛○脚膝拘攣○筋骨無力○行步艱難○或熱痛如火○或冷甚如冰○常怕風寒○雖夏日不離綿絮○或久經濕氣所傷○或房勞飲酒無度○以致脾腎有虧○兩腿麻木○腫脹疼痛○時常舉發○經年不愈者○並皆治之○每服三四錢○空心白滾湯送○冬月及虛寒症者○黃酒送下○忌燒酒房慾○

防風通聖丸

專治男婦風熱蘊結。氣血凝滯。頭疼目痛。項強腰痠。鼻塞
聲啞。骨節疼痛。憎寒壯熱。無汗耳痛。腮腫。口苦舌乾。咽喉
不利。咳嗽清涕。一切初起傷風。傷寒。內有實熱者。乃解表
而兼清裏之劑也。每服三錢。姜湯送下。清茶亦可。孕婦勿
服。

九製豨薟丸

專治中風癱瘓。口眼喎斜。時吐涎沫。言語蹇澀。手足緩弱。
麻木疼痛。筋骨痠軟等症。每服三錢。空心溫酒送下。米飲
白滾水亦可。久服舒筋健骨。益氣滋榮。眼目清明。鬚髮烏

黑大有神效

避穢辟瘟丹

凡遇時氣不正。瘟疫流行。宜常焚燒。不致傳染。歲末多燒。可以辟邪。可以避瘟。空室久無人住。積濕容易侵人。預製此丹燒之。可以遠害。

蠲痛活絡丹

治中風寒濕凝聚。手足不仁。日久不愈。腿臂間時有一二點疼痛。經絡中有濕痰死血。吳鶴皋曰。風邪注於肢節。則血脈凝聚不行。此丹祛風活血。消腫止痛。能直達濕痰所結之處。功效非尋常可比。溫酒送服一二丸。

萬氏牛黃丸

治傷寒時疫。心熱神昏。胸中煩鬱。及中風驚癇。涎痰迷悶。一切瘧瘵。癰瘖。厥逆等症。每服一丸。勻籐薄荷湯下。

辰砂寸金丹

專治男婦老幼四時感冒。惡寒發熱。無汗。陽明斑疹。時行瘟疫。中寒頭疼身痛。中暑霍亂。轉筋腹痛。吐瀉傷風。咳嗽痰壅。流涕。每服一三丸。姜湯化下。紅白痢疾。白糖茶葉湯下。

易老天麻丸

此藥專治風入經絡。四肢麻痺。筋脈拘攣。腿足疼痛。寒風

舉發經年不愈。一切血不榮筋等症。並治小兒因驚發搐。痰多眼白。筋攣癱瘓。每服三錢。小兒減半。冬用溫酒送。夏用滾水送。忌氣惱厚味房勞燒酒動火之物。

聖濟驚甲丸

專治四日兩頭。謂之三陰瘧疾。久發不止。每服三四錢。棗姜湯送下。忌生冷麵食蛋鷄等物。

河間地黃丸

專治中風。舌瘖不能言。足廢不能行。小陰氣厥不至。名曰風痺。以此藥溫之。每服三錢。開水送下。有火多痰者。忌服。

川芎茶調散

治風熱上攻。頭目眩暈。偏正頭疼。傷風清涕。鼻塞聲重。壯熱惡風。久患風眼。遇風舉發。風火牙痛。破傷風腫。項強拘急。一切風熱等症。並皆治之。此藥流通關竅。解除鬱熱。升陽散火。發散風邪。俱用清茶調服。每服錢半。臨臥或食遠服。

神效嗜鼻散

風熱流行。其氣中於人身上焦。則有頭暈目眩。鼻塞聲重。眼花翳障之疾。此散嗜於鼻內。能令熱氣散。而翳障消。藥力至。而功效見也。

鎮邪癩肝丸

凡鬼疰傳尸勞瘵等症。使人身作寒熱。沉沉默默。夜夢邪祟。昏昏面艷。久而更甚。人衆亦不畏懼。此陰惡之症也。今製此丸。以獺之爲物。晝伏夜行。其性屬陰。以類相從。取其肝而製丸。是以能治邪祟。每服十丸。開水送下。日進三次。立愈。

神香蘇合丸

治男婦中氣中風。中痰中祟。牙關緊閉。口眼喎斜。不省人事。或狂亂如見鬼神。並治傳屍。瘵瘵。骨蒸乾瘦。鬼魅瘴癘。暴氣心疼。霍亂吐利。時氣瘴癘。五種癩癩。小兒急驚心熱。婦人月閉。痲癖。一切暴氣之症。此藥最能辟邪驅穢。小兒

當心帶之。鬼邪不近。大人一丸。小兒半丸。姜汁湯化開。不拘時送下。開水溫酒亦可。

聖濟大活絡丹

此丹治頑痰惡風熱毒瘀血入於經絡一切中風癱瘓痿痺痰厥口眼喎斜半身不遂筋脈拘攣四肢疼痛動履艱辛及風寒入腦頭痛耳鳴癢疽流注跌撲損傷小兒驚癇婦人停經大有神效每服一二顆溫酒調下病在上部食後服病在下部食前服孕婦忌服

代抵當丸

治太陽傷寒蓄血發狂瘀熱在裏少腹鞭滿小便自利而

發黃者。每服二錢。開水送下。按仲景抵當丸。後人因其法險峻。不敢輕用。故複製一方。名曰代抵當丸。本堂今依方製。備亦隨俗之意也。

頭風透頂散

主治偏正頭風。及一切夾腦等風。不問遠年近日。將此藥一大豆許。嚙入鼻中。左痛嚙左。右痛嚙右。良久鼻內出涎甚多。其病即愈。

諸火暑濕

大凡少火生氣壯火食氣故火有餘則為病火
之所以有餘或由外感六氣或由內鬱七情逆
於何經則何經之火盛於是有所牽經自病者有
五行相克者有臟腑相移者不予制伏則燔灼
飛揚因一經而牽引諸經之火勢若燎原矣治
法宜審其在何經或泄或散各有其宜若臟陰
不足以配火又宜取陰藥以補其臟所謂壯水

之至以制陽光也至於夏令裏虛氣泄暑氣易
於中人故多霍亂吐瀉拒格不通甚或絞腸痧
脹吐瀉不出症尤危險若長夏則濕土司令脾
先受之則見身重腫滿久而濕蘊成熱身必發
黃病由外感速於內傷非有瞑眩之藥曷收急
救之功本堂法製丸散精益求精誠能審證發
藥不啻左宜右有應如桴鼓耳

諸火暑濕門

當歸龍薈丸

此丸治一切肝膽之火。神志不甯。驚悸搖擗。頭目眩暈。耳鳴耳聾。咽噎不利。腸胃燥結。兩脇引痛。及熱咳盜汗等症。每服一二錢。空心開水送下。

痔漏臟連丸

專治痔漏腫痛。腸風下血。脫肛痛痒。腸癰臟毒等症。此藥敗火毒。驅濕熱。定痛消腫。收斂膿血。退管生肌。大有神效。每服三錢。空心白滾水送下。忌氣惱房慾動火之物。

腸風槐角丸

治一切痔漏臟毒。糞前糞後。腸風下血。大腸火盛燥結等症。此丸能瀉風熱。利氣涼血。每服三錢。米飲送下。

藿香正氣丸

專治四時不正之氣。霍亂吐瀉。腹痛轉筋。及觸受瘟疫瘴氣。心煩悶亂。並外感風寒。內傷飲食。憎寒壯熱。頭痛胸滿。暑濕瘧痢。兼治不服水土。悞飲污水。致生嘔吐瀉等症。每服三錢。白滾水送下。虛人慎服。小兒減半。

靈寶痧氣丸

治陰陽反錯。冷熱交爭。觸穢受邪。中暑中寒。山嵐瘴毒。四時不正之氣。鬱悶成痧。驟然腹痛。頭暈眼花。胸膈飽脹。霍

亂吐瀉。四肢厥冷。不省人事。每服七丸。涼茶灌下。重則連進三次。無不效驗。

太乙紫金錠 又片

治時氣瘟疫。中風中邪。及悞食一切毒物。男子婦人癩邪。狂走。鬼胎鬼氣。或伏暑傷中。霍亂吐瀉。胸悶脇脹。絞腸腹痛等症。及山嵐瘴氣。纏喉風脾。黃疸赤腫。或自縊溺水。打撲損傷。百虫蛇犬所傷。並宜磨服。一切疔疽癰毒。燒酒磨塗。此方仙傳濟世。本堂每逢端午七夕重陽。虔誠修合。用治急症。應如桴鼓。每服磨下一錢。開水冲服。凡仕商遠出。藥餌不便。隨身珍佩。可以救人急病。功難縷述。

諸葛行軍散

此散能通關竅○解邪穢○散結滯○主治卒中暑熱○感受四時
不正之氣○頭目眩暈○昏不知人○心腹痞膈○絞腸痧脹○並山
嵐瘴癘○道途穢惡○此散氣味香烈○藥性輕清○直走膻中心
肺上乘之地○或鼻聞少許○或開水送服○一二分○能使一切
觸冒之邪○渙然冰解○兼治口瘡喉痺等症○及點治眼目風
熱翳障○此係武侯征蠻秘方○藥味貴重○修合不易○識者珍
之○

萬應平安散

治伏暑觸穢○或寒熱相搏○關竅不通○鬱悶成痧○以致神昏

頭眩胸膈滿脹。肚腹疼痛。甚則面紫甲青。肢冷厥逆。不省人事。用此散少許。吹入鼻孔。並安放臍眼。使竅開氣通。其病卽痊。眞濟世之妙藥也。遠行者可隨身佩帶。孕婦忌用。

痧氣臥龍丹

治暑熱觸穢。頭眩昏悶。痧脹肚疼。霍亂厥冷。脈伏神昏。用此散嚙鼻取嚏。竅開卽愈。

太乙救疫丹

治天行疫癘。時氣傳染。一歲之中。一方之內。男婦大小。病患相似。謂之瘟疫。並治中風中邪。飛尸鬼擊。山嵐瘴氣。纏喉風痺。癰疽瘡腫。熱毒壯盛。霍亂絞腸。急痧暴症。命在呼

吸不及延醫服藥及自縊溺水魅魘卒死心頭尚有微溫
或癩邪狂走狀類心瘋或誤中食毒藥毒一切跌撲損傷
瘀血在裏百虫蛇犬所傷毒氣內攻但用此丹內服外敷
應手神效百發百中有起死回生之功又治婦人月閉鬼
胎小兒驚疳客忤等症每用一錠重者酌加小兒半錠滾
水化開送下孕婦勿服此丹遇疫氣時行以紅絹爲袋盛
之佩入病家不致傳染凡在鄉僻小縣以及舟車道路隄
工水次隨身佩帶可以救急本堂揀選上料擇天醫療病
良辰於淨室中諷誦經咒虔誠修合是以應驗如神購者
珍藏幸勿穢褻

急救雷公散

專治霍亂吐瀉吊脚等痧及小兒吐瀉慢脾風症將此散
納入臍中外貼膏藥一張上加生姜一片用艾灸七次小
兒三次灸後不去膏藥其病即愈此救急之神方也每用
二分小兒減半孕婦勿用

黃連上清丸

治火眼初起三焦積熱咽喉腫痛口舌生瘡心隔煩躁大
小便閉澀一切風熱之症皆可治之每服三錢食遠清茶
送下

清熱三黃丸

治三焦積熱。咽喉腫閉。牙齒疼痛。口舌生瘡。心膈煩躁。耳
鼻腫毒。暴發火眼。熱壯火盛。小便赤黃。大便秘結等症。並
皆治之。每服二三錢。清茶送下。上部臨卧服。下部空心服。
孕婦勿服。

痢疾駐車丸

治暑濕積熱。下痢赤白。冷熱不調。腹痛併迫。裏急後重。心
煩不寐。病久陰傷等症。每服二三錢。開水送下。

清濕二妙丸

治濕熱下注。腳氣腫痛。熱如火燎。膝腿痠軟。行走艱難。及
一切下部濕瘡痛痒。洩痢赤白等症。並皆治之。每服四三

疎空心淡姜湯送下

黃疸絳礬丸

黃疸之病。由內有痰熱。宿食相搏。則鬱蒸不散。以致三便不通。遍身發黃。腿足或見浮腫。腹中兼有痞塊。用此丸以除濕熱。消食積。每服三錢。米飲送下。

清暑香薷丸

專治長夏伏暑傷中。濕氣蘊蒸。心煩自汗。或乘涼飲冷。陽氣爲陰邪所遏。以致頭目昏眩。嘔吐惡心。發熱惡寒。四肢困倦。口渴神昏。不思飲食。或皮膚蒸熱。霍亂吐瀉。轉筋。並宜服之。每服三四錢。用新汲水煎候冷送下。

實症清甯丸

治頭疼目赤牙痛。骨蒸傷寒瘧痢。中暑霍亂吐瀉。濕熱白濁。大小便閉。婦人經水不通。及一切癰腫瘡毒。咽喉腫痛。食積黃疸。實熱內結等症。每服三錢。開水送下。

九製大黃丸

陳脩園曰。大黃色正黃而臭。得土之正氣正色。故專主脾胃之病。今或血瘀而閉。則寒熱交加。腹中塊結。癥瘕積聚。以及留飲宿食。藏府難安。非得此而蕩滌腸胃。安能調中化食乎。本堂藥選上料。依法九製。誠推陳致新之妙劑也。服之而五臟安和矣。每服三錢。白滾水送下。

痧氣奪命丹

治痧脹腹痛。霍亂轉筋。厥冷脈伏。神昏危急。及受濕暑瘴
疫穢惡陰暗諸邪。眩暈痞脹。昏狂遺溺。舌強不語。或狂癩
譫語。並治小兒驚癇。角弓反張。牙關緊閉。用丹少許。吹鼻
取嚏。卽醒。重者涼水調服一分。小兒減半。孕婦忌服。此乃
急病奪命之丹也。

加味趙遙散

此治肝鬱之方。肝爲木。木氣欲得條達。必賴水土以資灌
溉。若土虛則木不升而鬱。血少則肝不滋而枯。故有骨蒸
勞熱。兩脇作痛。寒熱往來。頭痛目眩。口乾便瀆等症。此方

調中解鬱。補土養血。使木氣得以疎暢。故有趙遙之名。每用煨姜三片。薄荷三分。煎湯調服三四錢。亦治婦人經水不調。

三丰代木丸

此方乃上清金蓬頭祖師所傳。專治肝木過旺。尅制脾土。心腹脹滿。外發黃腫。能扶助中土。抑制肝木。每服三錢。白滾水送下。

六合定中丸

治暑月發熱惡寒。霍亂吐瀉。胸悶惡心。頭疼腹痛。或寒執瘡痢。及小兒發熱搐搦。土乳驚悸。一切中土不平等症。每

服一二丸。開水送下。

海藏消暑丸

治伏暑傷中。發熱頭痛。脾胃停滯不化。胸膈脹滿。嘔逆煩渴。便結肚疼。霍亂吐瀉等症。每服三錢。開水送下。

秘授霹靂丸

瘧之爲病。內經謂夏傷於暑。秋爲痲瘧。其寒暑往來。總不離乎少陽一經。而每苦於纏綿不愈。今製此丸。以治半表半裏。調榮衛之偏。和陰陽之逆。則寒熱退。而瘧可止矣。每服三錢。開水送下。

鎮癩甯心丸

劉河間曰。癲狂多屬熱症。其原由於肝熱多怒。心熱多喜。故至狂走妄爲。或大呼大叫。或自言自語。總因熱痰迷其心竅。是丸能調和臟腑。定魄安神。則志氣定而心神甯矣。如羊癲風。不省人事之症。亦兼治之。每服滾水送下三錢。神效濟生散。

長夏炎蒸。濕土司令。故暑必兼濕。脾胃受濕。則必霍亂吐瀉。發熱飽悶。絆痧絞腸。此能通氣止血。消悶去痰。推陳致新之妙劑也。用清茶送服五分。老幼及虛人減半服之。重則加倍。

黃連阿膠丸

治冷熱不調。下痢赤白。裏急後重。臍腹痠痛。口燥煩渴。小便不利。心煩不寐等症。每服三錢。米飲送下。

辟瘟丹

疫癘之氣害人最速。延醫服藥有所不及。惟此丹易於奏效。方內藥味甚夥。諸多珍品。凡遇急痧暴症。實足以起死回生。本堂不惜工本。虔誠修合。其在鄉僻小縣。以及舟車道路。隨時備帶。爲功非淺。或作囊繫身。可辟疫染。引單列後。

一治時行痧疫。初起嘔惡。急服一錠。重者倍服。立止惡心。

- 一治霍亂轉筋吐瀉絞腸腹痛諸痧及急暴惡症急服
二錠如症重者不能驟解再加服以胸膈寬舒爲度
一治中風中痰中暑卒然倒地不省人事急服一二錠
以開口爲度
一治瘡疹初起爛喉癰疹其效如神重者倍服
一治傷寒瘧痢初起
一治肝胃疼痛哮喘呃逆心腹脹滿週身掣痛二便不
通
一治婦女腹中結塊小兒驚癇十積五疳痘後餘毒敷
患處已有頭者圈頭出毒

一治山嵐瘴癘虫積蠱毒各種癖塊

一治無名腫毒醋磨敷患處

此丹每服一錠重者倍服小兒減半用開水或紹酒調服週歲內嬰兒磨一二分用開水灌下如急暴惡症不限錠數

凡秋夏感症服之無不應手立效取汗吐下三者得一爲度若疑信參半服之過少藥方不足則自誤也此丹攻病之力極大並不傷元體氣虛弱之人乘其初起元氣未漓急服自效倘遲延多日邪氣入裏正氣已虧神昏自汗則宜斟酌

此丹香味甚重。孕婦三四個月胎氣不足。忌服。如月
分足。胎元實者。遇此急症。不妨酌服。
此丹回生之至寶。急救之神丹。齋戒焚香。虔誠修合。
志在濟人。丹內並有經咒。貴客賜顧者。宜珍藏之。
毋使泄氣。幸勿穢褻。

八寶紅靈丹

四時不正之氣。人觸之則病。是爲時疫。當酷暑之時。尤易
感觸。或霍亂吐瀉。或發爲吊脚絞腸等痧。昏沉脹悶。上下
不通。四肢厥冷。六脈皆伏。針刺無血者。危險異常。或猝遇
邪祟痰涎壅塞。昏不知人。服此最爲神效。統治內外各症。

吹服調敷。遇有重症。壯實者倍用。小兒酌減。正氣內虧者。勿服。孕婦忌用。

一治上吐下瀉。中寒中暑。目暗神昏。寒熱肚痛。絞腸吊脚。痧脹。口吐清水。四肢厥冷。俱服一分。滾水送下。

一治四時感冒。寒熱往來。胸膈脹滿。頭痛鼻塞。傷風咳嗽。俱服一分。滾水送下。蓋被出汗。

一治無名腫毒。癰腫發背。諸般疔瘡。蛇咬蠍螫。陳醋調搽患處。

一治小兒疳瘡。跌打損傷。湯火燙傷。破傷風冷。茶調敷患處。忌發物。

一治時癘瘟疫。點眼角。男左女右。服一分。涼茶送下。蓋被出汗。

一治小兒急驚風。不服水土。俱服五釐。滾水送下。

一治喉痺乳蛾。用少許吹入患處。

一治邪祟鬼虐。滾水送下一分。

一治指頭生瘡。用鷄蛋一個。開一小孔。入藥一分。攪勻。套在指頭上。即消。如不消。依法再套一個。套至三個。無不立效。

一治瘡癤不收口。將藥摻膏藥上貼之。拔毒生肌。忌生冷油膩發物。

一治六畜鷄犬瘟點眼角卽活不可吃水
以上諸般症治俱經屢驗常帶身邊不染時氣

錢乙瀉青丸

夫風氣通於肝在人身則五行屬木爲火之所由生苟失
其養則風火相煽故多煩躁驚悸其故由於肝燥必瀉其
火而養其血則風熱可平也是丸主治肝經實熱使風火
不致橫肆故曰瀉青兼治小兒急驚搐搦竹葉湯下三錢
如意保和丸

專治觸穢受邪時氣瘟疫中惡鬱悶飛屍鬼擊嵐瘴濕氣
誤食諸毒及婦人月閉鬼胎小兒驚癇客忤並各種惡瘡

蛇蟲咬傷。內服外敷。無不神效。治症繁多。引單列後。

一治陰陽反錯。冷熱交爭。受濕觸穢。中惡中暑。惡心霍亂。胸膈飽悶。及絞腸痧脹等症。藿香砂仁姜湯下。

一治噤口流涎。牙關緊閉。手足麻木。一切中痰中風等症。姜汁竹瀝湯下。

一治傷寒邪毒未發。及時行瘟疫。斑疹不達。葱姜湯和酒下。並宜燒焚爐內。可免時疫傳染之患。

一治急中顛邪。卒倒昏迷不省。及自縊落水。心頭微暖。及驚嚇鬼迷。鬼交五絕等症。桃仁青葱湯下。

一治小兒五疳五痢。驚風等症。鈎藤薄荷湯下。

一治赤白痢疾。燈芯老姜湯下。噤口痢。石蓮子湯下水。

一治瀉車前子湯下。及婦人經閉。紅花桃仁湯下。

一治感寒觸發肝氣。心腹疼痛。良姜砂仁湯下。偏墜疝。

氣小茴香湯下。

一治山嵐瘴氣。河豚野菌狐蠱死畜等毒。山荳根湯下。

一治風火牙疼。將藥研細。擦患處。偏正頭風。將藥研末。

入薄荷油少許。敷太陽穴。

一治蜈蚣蜘蛛。犬咬蛇傷。蝎螫等。一切毒虫。噉齧。新汲。

水調塗立愈。

一治無名腫毒。楊梅瘰癧。一切惡瘡。疔毒。葱姜湯下。取。

汗即退。外用無灰酒調塗患處。立消。如已潰。敷於四圍。乳癰初起。米醋化塗。神效。

一治六畜中疫。將藥研細。和葱姜湯灌下救之。

以上諸症。輕者二三服。重者四五服。每服十九。照各條湯飲送下。如病重不省人事。將此丸並本堂臥龍丹一分。和湯飲灌下。立可回生。凡家居遠出。皆宜珍藏。勿令洩氣。以備不虞。孕婦忌服。

清濕三妙丸

大凡濕鬱則爲熱。熱蒸更爲濕。濕熱入於下焦。注於兩足。則腫痛痺麻。痿軟無力。此丸能解濕熱。使扶正以勝邪。而

上下表裏自無窒礙。每用開水送服三錢。

東垣潤腸丸

大凡熱秘宜清。冷秘宜溫。而老人虛人津液不足。則又宜潤。若腸胃火伏。大便秘澇。飲食不思。又或風濕搏結於大腸。以致津液乾枯。用此方以搜風去濕。活血潤燥。則津液自生。破結通幽。則二竅通利。每服六七十丸。滾水送下。

自主精誠感濟。頃江。瘴。脈。脈。終。期。六。廿。十。次。到。水。位。下。

繼。以。好。草。氣。薄。林。林。稠。茂。衣。以。雙。風。去。熱。消。腫。醫。救。眼。氣。漸。

聞。苦。眼。胃。火。升。大。便。燥。澀。滑。食。不。思。更。遇。風。暴。其。結。氣。大。

大。凡。瘴。瘴。宜。謂。瘴。宜。斷。而。等。人。道。人。轉。氣。不。以。眼。又。宜。

大。凡。瘴。試。斷。眼。衣。以。雙。風。去。熱。消。腫。醫。救。眼。氣。漸。

中。年。寒。裏。自。無。聲。熱。每。眼。開。水。袋。眼。三。幾。天。止。以。勝。阻。而。

婦科門

凡人患病不外氣血二字氣血和平豈有病乎人皆知男子貴養氣女人宜調血殊不知女人更宜養氣蓋血不流暢多因鬱氣凝滯况太陰乃脾土之綱領脾為統血之源脾虛不能運化血無所生徑水自然不調或為赤白帶下或為徑閉不通久而不孕之而不育繇命門火盛胎繫受傷腰痠脅脹必致小產

百般之病因此而生善治者不以去病為事
專以養脾為至誠可謂救時之良醫也必先
節飲食戒惱怒減勞苦清嗜欲然後對證立
方煎丸竝用諸病悉可除矣

婦科門

秘製白鳳丹

治婦女七情內傷。五心煩熱。骨蒸盜汗。腰腿痠軟。神困疲
倦。百節疼痛。脾胃不和。經水不調。血海虛冷。衝脈不足。不
能受孕。及胎前產後。諸虛百損。無不神效。常服能使氣血
充足。調經種子。無慮滑胎之患。每用淡鹽湯送下三四錢。
屢經試驗。誠婦科之良方也。

四物益母丸

治婦人經水不調。或經閉不行。血結氣滯。腹痛寒熱。產後
惡露未盡。積瘀疼痛等症。每服三四錢。開水或黃酒送下。
丸散全集

八珍益母丸

經爲陰血。陰必從陽。血以氣爲主也。故氣滯則將行而痛。氣虛則行後而痛。氣凝則成塊而痛。氣亂則錯經妄行而痛。氣病而血從之矣。此丸治氣血兩虧。月事不調。腰痠腹痛。赤白帶下。身作寒熱。一切氣弱血虧不足之症。久服病去。受胎空心酒下三四錢。

速產兔腦丸

專治婦人臨盆產育艱難。或橫或逆。或交骨不開。服之即時產下。保全母子。每服一丸。人參湯或米飲送下。完吞不可齧碎。隨男左女右手握丸出。神驗非常。

婦寶甯坤丸

治婦人經水不調。赤白帶濁。氣血兩虧。飲食少進。身體羸弱。難於受孕。或孕而不固。及胎前產後。百般疾病。將此丸化開。燉熱服之。另有湯引單。照單送服。無不神效。

一治血衰血敗。經水不調。全當歸生地黃湯下。

一治經水不調。桃仁紅花歸尾湯下。

一治大便下血。川黃連生地黃湯下。

一治大便結閉艱難。廣陳皮湯下。

一治久痢脫肛。肉苁訶子肉湯下。

一治小便不利。木通燈心湯下。

- 一治氣血俱虛。麥門冬白歸身湯下。
- 一治偏身虛腫。赤小豆打碎煎湯下。
- 一治偏身脹痛。米飲湯下。
- 一治偏亂腫痛。蒲公英金銀花湯下。
- 一治嗽喘。白杏仁敲碎炙桑皮湯下。
- 一治咳嗽。欵冬花川貝母去心。研碎煎湯下。
- 一治赤白痢。連翹去心煎湯下。
- 一治赤白帶下。蘄艾黑驢皮膠煎湯下。
- 一治不孕。白歸身白芍酒炒煎湯下。
- 一治行經時身腰疼痛。防風羌活湯下。

一治氣喘咳嗽。口吐酸水。遍身虛腫。兩脇疼痛。動止無力。黃酒送下。

一治眼昏血暈。口渴煩躁。狂言亂語。不省人事。二便不通。或童便。或薄荷湯下。

一治不思飲食。身體羸瘦。手足厥冷。骨節疼痛。用開水下。

一治氣喘急。蘓子湯下。

一治嘔吐。淡姜湯下。

一治兩脇痛。艾葉湯下。

一治氣痛。木香湯下。

一治泄瀉米飲湯下。

一治黃腫燈心木通湯下。

一治胎前臍腹刺痛胎動不安下血糯米湯化服。

一治胎前一切諸病陳酒童便任服。

一治胎動下血不止黑驢皮膠煎湯服。

一治臨產數日前服三四丸以免產後諸疾酒化服。

一治橫逆難產葵子湯下包衣不下童便化服。

一治橫生或子死腹中炒鹽湯化服。

一治產後惡血未盡臍腹刺痛或童便陳酒任服。

一治產後飲食不進炒黑山查炒麥芽湯化服。

一治產後大便閉結。郁李仁肉打碎煎湯服。

一治產後調理去瘀生新。木香歸身香附湯服。

一治產後血暈不省人事。當歸湯加童便服。

一治產後中風牙關緊閉。半身不遂失音不語。陳酒加

童便服。

一治產後惡血上冲。血塊腹痛。或發寒熱。薄荷蘘葉湯。

加童便服。如自汗不止。忌用薄荷蘇葉。

一治產後血崩。或用糯米湯。或黑荆芥蒲黃湯任服。

回生至寶丹

此丹爲保產催生之聖藥。凡婦人過期不產。或臨產艱難。

甚則子死腹中。以及胞衣不下。危亡命在呼吸。一切臨盆
危險之症。但服此丸。無不應手神效。兼治產後諸證。引單
列后。本堂虔誠修合。凡保產催生者。宜奉爲珍寶焉。

一治產母染熱。致使子死腹中。用車前子一錢煎湯。送
服一丸。或二丸。甚至三丸。無不下者。若下血太早。以
致子死。用台黨參三錢。有力家用人參更妙。和車前
子一錢煎服。或用陳酒和車前子服。立下。

一胞衣不下。用炒鹽少許泡湯服一丸。或二三丸。立下。
一產後血暈。童便沖陳酒送服一丸。卽愈。

以上臨產緊要關頭。一時即有名醫措手不及。此丹

起死回生。必要預備。

一治產後三日。血氣未定。還奔五臟。走入肝經。以致血
暈。眼目昏花。用丹皮當歸煎湯送服。一二丸即愈。

一治產後七日。血氣未定。因食物與血結聚胸中。口渴
心煩。用麥芽一錢半煎湯送下。一二丸。

一治產後敗血走注五臟。流入四肢。化爲浮腫。口渴而
四肢覺冷。乃血腫非虛腫也。用沒藥當歸各一錢煎
湯送下。二丸。

一治產後敗血冲心。熱極煩躁。言語顛狂。如見鬼神。非
風邪也。用浮小麥甘草各一錢煎湯送下。二丸。

一治產時百節開張。血入經絡。停留日久。虛脹酸痛。非濕症也。用蕪梗三分。煎湯送服。即愈。

一治產後未滿月。飲食不得應時。兼之怒氣。餘血流入小腸。閉塞水道。小便澁結。溺血如鷄肝者。用木通四分。煎湯送下。或流入大腸。閉塞肛門。大便澁結。有瘀血成塊。如鷄肝者。用廣皮三分。煎湯送服。

一治產後惡露未盡。飲食寒熱不調。以致崩漏。形如鷄肝色。潮熱往來。臂膊拘急。用白朮三分。廣皮二分。煎湯送服。

治產後敗血入臟腑。並走肌膚四肢。面黃口乾。鼻中

流血。遍身斑點。危症也。陳酒化服。卽愈。

一治產後小便澀。大便閉。乍熱乍寒。如醉如癡。用麻仁當歸煎湯送服。

以上各條。皆產後敗血爲害也。此丹最有奇功。大凡產後一切異症。醫所不及。論人所未。必經本堂備此丹。以救危症。服此無不立安。一丸未應。二丸必效。凡經水不通行。經腹痛。以及處女閉經等症。其效捷如響應。

玉液金丹

婦人胎前產後。總當加意調護。本堂凡婦科所備諸方。俱

爲切要。而此丹尤爲安胎保產之妙劑。凡胎前產後治症。多端更僕難數。此丹藥品貴重。修合不易。幸勿尋常視之。每服一二丸。量證輕重。引單列后。

- 一治初孕疑似之間。腹脹嘔吐。用豆蔻三分。煎湯送下。
- 一治跌撲損胎。用白朮五分。當歸一錢。煎湯送下。
- 一治胎動不安。艾葉五分。子芩一錢。煎湯下。
- 一治感冒瘧疾。蘇梗四分。柴胡五分。煎湯下。
- 一治咳嗽。杏仁一錢二分。桑白皮一錢。煎湯下。
- 一治小便不通。冬葵子八分。煎湯下。
- 一治發潮熱。知母一錢半。煎湯下。

一治頭眩。用甘菊花錢半煎湯下。

一治頭暈。用防風八分煎湯下。

一治子懸如物懸於虛中。似難把住。神昏心亂。用赤苓八分。葱白一頭煎湯下。

一治子胃危於子懸。血熱火盛。胎氣上冲於心胸。心煩面赤。牙關緊閉。氣絕欲死。用麥冬一錢。羚羊角五分煎湯下。

一治孕婦常有咳嗽。胎熱冲動肺金。是謂子噎。用桑白皮五分煎湯下。

一治娠婦心煩悶亂。有說不出。心中難過。是謂子煩。用

淡竹葉七片煎湯下。

一治娠婦常有面目腿足腫脹。如有水狀。是子腫也。用

五加皮赤苓各一錢煎湯下。

一治娠婦腎熱小便淋漓心煩悶亂。是子淋也。用車前

子一錢煎湯下。

一治胎漏用生地二錢煎湯下。

一治尿血用粳米煎湯下。

一治半產用益母草二錢煎湯下。

一治臨產交骨不開用龜版三錢煎湯下。

一治橫逆難產數日不下及胎死腹中用川芎一錢當

歸二錢煎湯下。

一治胞衣不下。用牛膝二錢。檀香一錢煎湯下。

一治惡露不行。五靈脂。蒲黃。桃仁各五分煎湯下。

一治產後發喘。黨參。蘇木各八分煎湯下。重者用人參。

一治虛脫。用人參五分煎湯下。

一治胎前產後下痢。用米仁三錢煎湯下。

一治瘧勞。用官燕三錢煎湯下。

一治倒經吐紅。用藕汁熱送下。

一治崩漏。用淡白鯊二錢煎湯下。

一治經期或前或後不定。以致艱於受孕。每逢天癸到。

時服三丸。能調經受孕。用開水下。

一治胎前產後。患症不一。不及徧載。俱用開水送服。無

不立效。

此丹虔誠修合。神效無比。起死回生之奇品也。服者

幸勿輕視。

艾附煖宮丸

專治婦女經候失期。行經腹痛。子宮虛冷。久不成胎。或胎
產傷血。或氣滯傷脾。崩漏下血。以致頭目暈眩。骨疼肢酸。
變爲勞瘵。一切血虛挾寒等症。皆可服之。每服四錢。早晚
開水送下。

婦科烏金丸

治婦人憂思鬱結。肝氣傷脾。變生百病。身體羸瘦。腰痛足酸。經水不調。不能孕育。崩漏帶下。腹脹疼痛。及產後惡血上攻。心腹刺痛等症。每服一二丸。隨病輕重加減。鹽湯溫酒白滾水任下。

四製香附丸

專治婦人經脈不調。赤白帶下。經閉不通。腹疼脇脹。此藥安胎種子。滋血脈。健脾胃。消脹滿。化痰涎。及胎前產後諸症皆可治之。每服二錢。開水下。冬月黃酒送下。

七製香附丸

此丸專主調經。療婦女經閉。崩漏帶下。及胎前產後。癥瘕積聚。氣逆血塊。肚腹疼痛等症。本草言香附子開鬱順氣。消滯寬中。逐瘀調血。行中有補。補中兼消。今經七製。調和藥性。不寒不熱。誠女科至要之藥也。每服三四錢。早晚黃酒白滾水任下。

千金保孕丸

此方主婦人虛勞腰痛。胎動不安。及崩中漏血。筋骨痠疼。精神倦怠。四肢無力。腎元不固。易於小產者。最宜常服。每服三四錢。米飲送下。

千金止帶丸

專治婦人氣血兩虧。赤白帶下。淋瀝不止。或如魚腦。久致白淫。腥臭穢氣凝滯。脇痛腰痠。日久不愈。此丸補益肝腎。以治血虛。固氣收脫。以上帶下。每空心白滾水送服三四錢。自能漸愈。

舒鬱葱白丸

治婦人感受寒氣。血積胞門。氣鬱腹痛。經閉不行等症。每服三錢。開水送下。或陳黃酒亦可。

種子濟陰丹

調經養血。爲婦科最要治法。若血氣不調。則經行躡前退後。或淋漓下帶。或經行之時。少腹作痛。以致不能成孕。此

丸補血調經。濟陰助陽。可以種子。空心用米飲湯送服。三四錢。

婦寶勝金丹

治婦人經水不調。或前或後。或色如米泔。或連月不行。或行經腹痛。腹中癥瘕血塊。及胎前產後一切諸症。服此自然宮煖。經調易於有孕。真坤道之妙藥也。每服三四錢。黃酒送下。開水亦可。

調經種子丸

經者常也。一月一行。常不失信。故又謂之信水。凡人偏寒偏熱。則經有先後。失其常度。安能種子。此丸調經養血。能

治氣血兩虧久不受孕。每服四錢。空心淡鹽湯送下。

女科八珍丸

治婦人氣血兩虛。面黃肌瘦。月來血少。或氣阻血滯。經水不調等症。每服三四錢。開水送下。

婦科濟陰丸

婦人經水一月一至是其常也。乃或經水不來。腹中若有結塊。或聚或散。內成癥瘕。外見寒熱。此丸能去瘀生新。破癥除瘕。使血行而經候。是濟陰之妙劑也。凡一切風濕之症。亦可治之。早晚用米飲送服七十丸。

當歸養血丸

婦人帶病。皆由中土虧損。帶脈不能收束。以致十二經脈。因而內陷。經行或前或後。或赤或白。腹痛宮寒。難以成孕。當先補脾以養血。而十二經絡之氣血。庶可流行而無阻滯也。每用開水送服三錢。

九製香附丸

肝鬱之病。婦人最多。甚者牽引諸經。氣不能平。因而胸痞脇痛。小腹結塊。寒熱往來。久成癥瘕。聚積錯經。閉經崩漏。帶下胎前小產。產後惡血。一切亢害之症。旋至矣。此丸能順鬱氣。降逆氣。調和諸氣。瘀去新生。自無亢害之患也。早晚每用開水送服二三錢。

補元調經丸

衝任爲經脈之海。若無損傷。則血充經調。精元常足。乃或勞役過甚。心腎兩虧。衝任之氣虛。不能約制經血。故經候不調。或經來澁少。一二月而卽止。或經來黯淡。子宮寒而難成孕。此丸安神養心。則元自足。益血順氣。則經自調。每用開水或陳酒送下三錢。

九氣心痛丸

九種心痛。皆由胃脘受病。其症分食飲冷熱。淫虫注氣。血九種鬱久而作。以致心痛不可忍耐。急宜服此。則上下之氣通。通則不痛矣。無論男婦皆有此症。每用黃酒或淡姜

湯送服二錢。其效如神。臨痛時不可飲食。食必復痛。

毓麟保胎膏

凡婦人每慣小產。滑胎漏胎。皆由先天不足。血氣未充。所致。用此膏以培先天。補血氣。則胎元自固。坐喜兩月。卽貼丹田穴。半月一換。過八個月。可揭去矣。

內補養榮丸

治婦人諸虛不足。血海虛敗。經候愆期。赤白帶下。腰痛耳鳴。四肢乏力。子宮虛弱。不能孕育。及胎前產後諸虛百損之症。每服三四錢。空心用龍眼湯。或黃酒白滾水任下。

大顯益母丸

婦人經血統於衝任是爲血海。若二脈有損則經血無所約制。得寒則凝滯。得熱則妄行。故有經水不調及崩帶下濁等症。宜取補血之藥。佐以益氣之品。以行之。血虛者兼理其氣。取陽生陰長之義也。此丸專補衝任血虧。並能益正氣。散滯氣。凡經來愆期。或腹痛成塊。及一切赤白帶下崩漏等症。並可服之。每早晚各服一丸。酒水任送。

調經養血丸

調經之法在於補血。如氣血虛損則有凝滯之病。或經至愆期。或帶下赤白。其難於得子者。皆因陰虧故也。此丸能益血補氣。月事調勻。陰陽和而萬物生矣。每用陳酒開水

任送三錢

治帶固下丸

此方專治赤白帶下。病由濕熱所傷。滯於下焦。奇經之分。以致氣血虛損。濁液下流。用此丸以燥濕清熱。斂陰收脫。則帶下自止。誠婦科治帶之良藥也。每服三四錢。空心米飲送下。

失笑散

此方治婦人產後惡露不行。上衝胞絡。下阻腹中。或血入胞衣之中。脹大而不能下。以致心悶。脹痛喘急。有聲。或死血積瘀腹中。以致腹痛。此藥能行血散血。活血則痛止而

淤去其效甚神。米醋調下二三錢。並治心胸血滯作痛。不可與各種參同日服。

烏鰂骨丸

婦人血枯經閉。與男子陽痿精損。其病相似。面黃形瘦。赤白帶下。久成勞瘵。素問曰。有病胸脅支滿。防於飲食。病至則先聞腥臭。是名血枯。氣竭肝傷。故月事不來。用此丸空心每服二錢。以乾石首魚煎汁送下。以飯壓之。最能益精。通經也。

婦科奪命散

凡新產婦人惡露未盡。流入臟腑四肢。則必變生百病。用

此以下其惡血。便不致衝上爲患。凡小兒纔生下。即用此藥二錢。以童便老酒半盃煎一二沸。與產婦調服之。良久再服一二次。其效如神。

此藥之功用。能治產後惡露不盡。或血暈不醒。或腹痛。或頭暈。或眼花。或心跳。或氣喘。或咳嗽。或嘔吐。或泄瀉。或大便燥結。或小便頻數。或赤白帶下。或產後諸症。無不立效。其法如上。其藥之味。苦甘。其性。平。其功。大。其效。神。其用。廣。其法。簡。其藥。易。其效。速。其功。著。其用。靈。其法。妙。其藥。奇。其效。驗。其功。偉。其用。神。其法。妙。其藥。奇。其效。驗。其功。偉。其用。神。

兒科門

人稟天地化育而生受氣於父成形於母始
生之時神魄未定府藏脆軟一切赤瘤丹毒
臍風等證皆由胎前稟受先天受病最難醫
治已過周歲筋骨以漸而堅氣血以漸而充
智慧以漸而長知覺運動方始成童此後天
生物不息而應萬事者也欲令兒身無病全
在飲食調養其油麵肉食蔬菜生冷不可食

之過甚臟腑薄弱豈能運化又不可過於溫
飽純乎愛惜肌膚不密寒暑易侵諸病繇此
而生調理之法不專在醫藥惟調乳母節飲
食開鬱理氣使脾胃無傷乳汁和平根本常
固兒豈有病乎

兒科門

牛黃抱龍丸

專治小兒急驚風。咳嗽喘急。發熱面赤。夜啼驚搐。嘔吐惡心。痰涎壅盛。並四時瘟疫。驚搐不甯。夜臥不安。宜服此丸。去風化痰。鎮心神。解煩熱。功難盡述。每服一丸。不拘時候。薄荷湯送下。

琥珀抱龍丸

治嬰孩急驚。四時疫厲。邪熱煩躁。痰喘氣急。瘡疹欲出發。搐等症。薄荷化服一丸。燈芯湯亦可。

調養肥兒丸

夫小兒脾虛體瘦皆由飲食不調所致。蓋小兒脾胃多弱。父母溺愛。恣食瓜果生冷之物。肉麵肥甘之味。漸致脾胃受傷。體瘦面黃。發熱肚脹。二便不利。積成疳病者多矣。此藥健脾養胃。化積消虫。精熱止瀉。久服百病消除。令兒肥健。每服一丸。早晚米飲送下。

犀角解毒丸

治小兒胎毒及痘瘡之後。火毒未清。變生瘡癩。或痘前多眼溫。補等劑愈後。必須清解者。宜服此丸。又治胎熱疳熱。口破舌痛。牙齦出血。二便短澀。煩渴狂躁。面赤咽乾等症。每服一丸。燈芯湯下。忌煎炒辛辣發氣之物。

兒科金蟾丸

治小兒五疳黃瘦。髮聚毛焦。肚大青筋。好食泥炭。牙疳口臭。積聚痞塊。飲食不思。每日一丸。米飲下。看病深淺酌服可也。

兒科兌金丸

治小兒五疳積滯。腹膨泄瀉。虫痛血結。小便如泔。頭疼身熱。肌體瘦弱。髮落毛焦。眼生翳膜。好食泥炭。生物面黃痞塊等症。一歲一丸。米飲下。按歲加增。病愈即止。不宜多服。忌生冷油膩魚腥麵豆等物。

九味藳薈丸

小兒肝脾有熱。易成疳積之症。腹中生虫。體瘦熱竭。耳內生瘡。結核癩癰。小便如泔。大便閉結。皆虫爲之也。此丸專爲消疳殺虫而設。積去而熱自消。每用開水空心送服。一二錢。忌生冷油煎等物。

小兒回春丹

專治小兒急驚心熱。痰涎壅盛。肢體抽搐。角弓反張。口噤舌強。及癩癰風痰。天吊客忤。心神不甯。並積聚痞塊。肚腹疼痛等症。每服一二丸。量兒大小。症輕重。加減用。生姜湯化開送下。

五福化毒丸

治小兒蘊積熱毒。唇口腫破。生瘡。牙齦出血。頰項赤腫。咽喉腫痛。並痘後餘毒。疹後諸熱。常生瘡癩。胎毒不解。潮熱痰壅。咳嗽痰喘。大小便赤結等症。每服一丸。用薄荷湯送下。再用鷄毛刷敷患處。自愈。

小兒肥瘡藥

小兒數歲時。偶爲風吹日晒。濕熱蘊於皮膚。以致頭面四肢。忽生瘡毒。黃水膿流。破爛出血。易於沿開。時作痛痒。此黃水瘡也。將藥用麻油調敷患處。其效如神。

牛黃鎮驚錠

治小兒急驚癩癇。天吊客忤。牙關緊閉。風熱壅塞。搐搦戰

掣反弓斜視。舌強口噤。昏悶不醒。一切驚風危急之症。及初生小兒。臍風撮口。胎驚胎瘤。內吊夜啼不甯。每服一丸。用金銀器煎湯化下。仍看小兒大小。病勢輕重。加減丸數。此藥截風化痰。鎮驚安神。有起死回生之功。屢試屢驗。

小兒滾痰丸

治嬰孩傷寒傷風。咳嗽生痰。驚風喘急。痰涎壅盛。大便熱閉等症。每服一丸。空心用白滾水化送下。

育嬰化痰丸

吳鶴皋曰。治痰先理氣。老幼皆然。凡小兒咳嗽涎壅。鼻塞頭痛。總由痰多氣滯之故。此丸行氣除痰。兼消下焦風熱。

每用滾水送服一丸。

珠黃琥珀丸

凡幼兒驟然牙關不開。痰涎上壅。氣高喘急。多係實熱急驚。否則胎瘤臍風之症。宜服此丸。用金銀花湯送下。並治男婦風痰。癩瘡諸症。薄荷湯化服。

神效癩頭藥

專治一切癩頭禿瘡。無論新久。白花堆壓禿瘰。先以甘草水洗淨。揩乾。用麻油調敷。神效。

八珍糕

大凡小兒脾胃虛弱。則宿食不化。胸腹悶脹。大便溏泄。或

乳食不充。肌膚黃瘦。皆由氣血兩虧。當以八珍糕補之。則胃氣可以培養。泄瀉亦能自止。誠養嬰之妙法也。飢則食之。不拘多少。

百益鎮驚丸

慢驚之症。多由小兒秉賦本虛。易受風寒。或因飲食積滯。悞用涼藥。戕伐脾胃。或久瘡久痢。或痘後瘡後。其證驚癇。搐搦。痰鳴。氣促。神昏。睛露。危險之至。倘悞進涼劑。不可救矣。此丸能開寒痰。寬胸膈。定心神。鎮驚邪。補益元氣。功效百倍。每用淡姜湯送服一丸。

小兒化痰丸

凡小兒痰迷心竅咳嗽上壅氣喘內熱鼻塞頭疼總由外感風寒所致治以行氣化痰驅風降火每服一丸薄荷湯化服無不奏效

太乙保元丹

小兒急驚之症其初發也壯熱不已肢體發搐此熱生於心經熱甚而生風陽盛而陰虛也急宜投牛黃抱龍丸更兼避風節食加意調養一或不慎則身又熱痰又壅搐搦又發勢必至角弓反張舌強口噤久而正氣愈虛急驚之症變成慢驚則吐瀉交作肢體逆冷口鼻氣微手足癱瘓昏睡露睛此脾虛生風無陽之症世人遂以急慢驚風併

爲一症。其誤甚矣。夫急變爲慢。則必清涼與溫補合爲一劑。太乙真人製此保元之方。以救之急驚與慢驚併一清涼與溫補合治。然後其元可保也。每服一丸。滾水化服。神效保命丹。

治小兒急慢驚風。痰涎壅塞。手足抽搖。目直神昏。夜啼晝倦。吐乳瀉白。一切種種惡症。無不應效。每用鈎藤薄荷湯化服一丸。

使君子丸

小兒飲食停滯。濕熱蒸鬱。則腹内生虫。脹滿嚙痛。或身發黃腫。骨瘦面黃。食生米茶葉泥炭等物。服此則殺虫化滯。

而病却矣。每早用沙糖水化服二錢。

鷓鴣涎丸

小兒感受時氣。肺中伏熱。咳嗽痰鳴。喘而汗出。久則面目浮腫。俗名鷓鴣咳者。此藥能清火化痰。止咳定喘。每用燈芯竹葉湯化服一丸。若非火咳。不得妄用。

鷄肝散

專治小兒內生疳積。面黃肌瘦。肝火上攻。眼睛生翳。若不早治。恐成瞽廢。此藥能消疳化積。明目去障。薄荷湯送下。一二錢。

一釐丹

治小兒疳疾。虫動作痛。肚腹滿脹。漸大如鼓。以致四肢羸瘦。面黃身腫。甚或多痰發搐。及男婦痞塊。癥瘕腹痛等症。此丹能殺虫止痛消疳。應驗如神。

逐寒蕩驚散

小兒慢驚之症。多緣病後痘後。失於調理。或因風寒飲食。或因秉賦本虛。或因初起急驚。過用攻下。傷脾皆能致之。其證吐瀉並作。口鼻氣冷。腹中作响。喉內痰鳴。四肢厥冷。角弓反張。目光昏暗。抽掣汗出。或大熱不退。或乍寒乍熱。此最危險之症。速服此方。以開寒痰。寬膈止嘔。能回元氣。於無何有之鄉。每藥一劑。用灶心土三兩。煮水澄清煎藥。

大半茶杯頻灌之。一二劑後嘔吐漸止。即宜接服理中
地黃丸以收全功。

理中地黃丸

此丸大補氣血。却病回陽。專治小兒慢驚吐瀉。身冷汗出。
昏睡露睛。精神倦怠。形狀狼狽。瘦弱已極。有參天救本之
功。每服三四錢。量兒大小。用灶心土二三兩。煮水澄清。將
丸研碎。同煎取濃汁一茶盃。分數次灌服。

香砂助胃丸

凡小兒脾氣虛弱。或兼喜食生冷。積受寒濕。以致胃中虛
寒。吐瀉並作。乳食不化。停滯中脘。以此丸溫其脾土。最能

下氣消滯。進食寬中。吐瀉自可止矣。每服五六丸。看兒大小。加減。研碎用米飲送下。

眼科門

目疾古有專科蓋在人雖為五官之一而實
秉五臟六腑之精非比他竅僅各主一臟也
故謂目有五輪白眼為氣輪屬肺青眇為風
輪屬肝大小眇為血輪屬心與包絡兩眇為
肉輪屬脾其中心一點神膏鑒照萬物是為
水輪屬腎經曰五臟六腑之精氣皆上注於
目而為之精若邪同其精則精散精散則視

岐視岐見兩物是目疾雖外傷於邪而實內
通於臟腑故證最多而方亦至廣也治之須
辨其經腑究其病因風熱則散之暴火則清
之血虛則養之氣結則調之腎水虧則補之
宜用點服之藥不可妄施刀鍼本堂擇徑驗
諸方不惜資本貴重悉數備製以待不時之
需治療家庶可得所藉手而對證以施治乎

眼科門

石斛夜光丸

此丸能補神水。無論遠年近日。一切昏花眼目。內外障膜。攀睛。胬肉。爛沿風眼。空中見有黑花。睹物成二。及老年陰虛目暗。多眵。神水散。大久成翳障。並皆治之。久服能夜讀細字。每服三錢。空心淡鹽湯送下。

眼科磁硃丸

治目疾一切肝腎不足。心火熾盛。內外障翳。雲朦昏花。覩物或成二體。瞳人散大。每服十丸。隔一日加二丸。加至三十丸止。空心用米飲送下。早晚兼服。石斛夜光丸。其功甚

速○此藥入腎能填補真精○使神水不得外移○入心能鎮養
心○血○使邪火不能上侵○心腎充足○何患目之不明也○忌惱
怒房勞○一切動火發物○兼治耳聾耳鳴等症○

杞菊地黄丸

此藥滋陰補腎○益血明目○治老弱眼目昏花○視物不真○常
見黑花○多生熱淚○及內外障翳○久患眼疾○經年不愈○每服
三四錢○空心淡鹽湯送下○忌氣惱勞碌房事○葱蒜椒姜烟
酒羊肉○

類苑羊肝丸

此丸能退翳祛風○平肝散熱○大凡肝火盛○則睛疼○心火旺○

則赤腫熱氣上炎羞明眩淚常欲睡閉不敢久視久視則疼或雲翳昏花青盲內障等症每服三錢開水送下

除風扶桑丸

桑乃箕星之精其木通關養液其葉除風驅濕神農列爲上品今取以入藥爲君佐以補肝滋潤之味專治肝陰內虧虛風暗動頭暈目眩手足麻痺久服烏鬚黑髮神效異常每服三錢淡鹽湯送下

鵝毛管眼藥

凡人勞碌過度心火上攻以致兩目赤腫痛甚難開或如針刺或時流淚又有內障生翳視物昏花者俱將此藥用

清水融化。點眼角內。仰面合眼半時辰。重則數次。輕則一
次。大有神效。

光明水眼藥

凡外感風熱。兩目赤腫。作痒多淚。畏日羞明。鼻塞腦痠。以
及新久風火。時眼等疾。每取少許。點入眼角。合眼靜坐半
時。立可見愈。

眼科保瞳丸

治男婦肝腎兩虧。眼目昏花。瞳人散大。視一物變成兩體。
或雲翳遮睛。迎風流淚。久視珠痛。此丸壯水養汗。常服保
瞳明目。每服一丸。淡鹽湯送下。

洗眼碧玉丸

此丹專洗一切眼疾。翳白遮睛。羞明怕日。暴發火眼。視物不明。迎風熱淚。眼邊赤爛。每用一丸。清水泡開。用絹隔藥。忌灰塵入內。日洗一二次。能退胬肉。應驗如神。

明目地黃丸

治男子婦人。肝腎血虧。眼目昏暗。常見黑花。多有熱淚。羞澁畏明。久視無力。內外障翳。攀睛胬肉。爛弦風眼。一切眼疾。久患昏花。此藥鎮陽光。壯腎水。養肝氣。每服三四錢。空心淡鹽湯下。忌烟酒葱蒜椒薑動火等物。

明目蒺藜丸

專治眼日久患風疾眼邊赤爛痛痒眵淚等症能去惡而
止風癢每服三四錢臨睡開水送下忌氣惱勞碌一切動
火之物

太玄進呈還睛丸

治遠年近日一切目疾內外翳障迎風流淚羞明怕日瞳
子瞧小散大胥肉攀睛爛弦風熱雲矇昏暗肝腎不足等
症皆可服之此藥升水降火平肝益腎聰耳明目養性安
神久服非惟還原之功且能到老不花每早晚淡鹽湯送
下三錢忌氣惱一切動火之物

立效還明膏

人心主血肝藏血。目受血。故一點青瑩精華內聚而能視也。若血分有虧。則視物不明。內障生翳。遮蔽瞳睛。或目昏多淚。赤腫疼痛。可用此膏。初點微痛。再點漸愈。若臨臥點之尤妙。

再造還明丸

血弱氣虛。難以養心。則心火旺而肝木虧。故兩目昏暗。外成白翳。一點之瞳睛不聚。雖視物而亦不清矣。此丸能瀉心經之浮火。除肝經之風熱。則障翳退而目中惡血自散。其應驗之神。如日月之還明也。每用滾水送服三錢。

萬應撥雲膏

凡遇風火上攻。風邪外感。因外風而觸內風。故兩目迎風多淚。怕日羞明。翳障漸生。遮睛昏視。甚至赤腫作痛。難以開視。此膏用燈芯點眼角。神效異常。

保瞳圓明膏

凡人身體虛弱者。用心不可過勞。嗜物宜有節制。若勞心太過。飲食不節。以致心腎有虧。上攻於目。甚至障翳頓生。瞳神散大。用是膏勤點。以散外邪而清內火。則血養精聚。而中氣不虧矣。應驗如神。

眼科濟陰丸

凡人腎水不足。則虛火上炎。目睛散大。視物昏花。羞明赤

澁或痛或痒皆屬浮游之火。上蒙清竅。此丸能滋腎水。以養肝木。所謂壯水之主。以制陽光也。每服三錢。空心白滾湯送下。

光明燥眼藥

善治肝火上升。眼赤難開。怕日羞明。迎風流淚。久而眼邊赤爛。翳障攀睛。兼治火眼暴發。將藥每日早晚點於眼內。無不神效。忌食葱蒜魚羊。

明目上清丸

專治肝經蘊熱。時眼赤痛。熱淚如雨。眵多耗燥。緊滿羞明。凡肝火盛。則臟腑閉結。上貫於目。而雲翳避睛。此丸清肝。

降火。通利三焦。每服三四錢。開水送下。忌魚腥動火發物。

外科門

大凡瘡瘍之證皆屬心火心乃生血之本滯則為害治法當分陰陽之證易治陰證難療初發腫痛高起屬乎陽而為癰平陷不腫屬乎陰而為疽先觀老幼虛實氣血盛衰毒未盡者用托裏敗毒發散諸法已潰之後元氣虛弱宜大補氣血調理脾胃使腐肉易去新肌易生雖有危險之證可保無慮其餘對口

發背癰癤楊梅便毒一切惡瘡須看受病之
淺深臨症權變不可拘泥依法調治庶無誤
矣然而外科不同內證病者加意禁忌房事
勞力發物忿怒萬勿忽畧致貽後悔戒之戒
之

外科門

保安萬靈丹

此丹專治癰疽疔毒。對口發頤。一切風濕。憎寒壯熱。濕痰流注。附骨陰疽。及偏正頭疼。破傷風腫。牙關緊閉。不省人事。抽搐如風。並治四時瘟疫。傳染傷風。傷寒等症。每服一丸。甚者二丸。姜湯送下。一切瘡毒。及破傷風。用老酒化服。俱要發汗爲度。孕婦忌服。

梅花點舌丹

治諸般疔瘡。癰腫發背。無名惡毒。一切瘡瘍。初起一服。未成卽散。已成卽有頭頂。成膿亦潰。每服二三丸。包入葱白。

內打碎。用溫酒送下。衣被蓋煖。汗出爲度。忌葷腥生冷油膩發物。亦可外敷。孕婦忌服。白色陰疽禁用。

飛龍奪命丹

治疔瘡腦疽。對口癰背。乳癰。無名腫毒。一切惡瘡。未成能消。已成即潰。此藥專治危急惡症。乃外科中之至寶也。每服一二粒。用葱白三寸。搗爛置於男左女右手心。將藥裹於內。用熱酒隨量送下。綿被蓋煖。以汗出爲度。瘡在上部。食後服。在下部。空心服。忌一切生冷瓜果油膩魚腥發物。白色陰疽禁用。

立馬回疔丹

治疔瘡。候醫失治。以致瘡毒走散。發腫神昏。名曰走黃。乃極重危險之症。急用此藥。插入瘡口。外以膏藥蓋之。無不效驗。遲則不救。

外科蟾酥丸

治一切疔瘡。癰腫。諸般惡毒。初起憎寒。壯熱。口渴。便閉。心煩。昏潰。毒氣閉塞。不能宣通。宜內服此丸。用葱白五寸。嚼爛。吐手心內。將丸裹好。陳煖酒一盃。送下三四粒。煖臥汗出。外用此丹化塗。病重者。必須針刺出血。將蟾酥丸作條。插入孔內。上貼膏藥。蓋之。立能化毒自消。此藥功效迅速。瘡瘍中之至寶也。忌鷄鵝魚腥厚味辛辣發物。一切毒虫。

蛇蠍咬傷。俱用濃茶汁或凉水磨塗神效。

神效礫峒丸

此方乃異人傳授。功效非常。藥性最急。內服外敷。統治癰疽。發背。馬刀。瘰癧。乳癰。瘡癤。以及蛇蠍蜈蜂螫傷。狂犬惡獸咬傷。並肺癰。腸癰。內潰。刀杖跌打損傷。一切悞食中毒。百發百中。妙難盡述。每服一丸。病重者二丸。小兒半丸。俱用黃酒化服。外敷用濃茶汁調塗患處。留頂不敷。又治中風中痰。卒然暈倒。牙關緊閉。不省人事。及半身不遂。口眼歪斜。筋脈拘攣。手足麻木。風痰等症。倘遇喪家勞尸。用酒調搽少許於鼻孔內。卽不沾染。孕婦忌服。

琥珀蠟礬丸

凡癰疽發背。疔瘡惡毒。初起已成未膿之際。恐毒氣不能
外出。或致內攻。預服此丸。最能護膜遮心。托裏消毒。並治
瘡瘍濕熱。腸癰乳癰。痰核腐爛。疔紫難潰。或潰爛之後。久
不收口。此藥能固臟腑。護心保膜。消腫止痛。去腐生肌。化
疔敗毒。大有神效。每服一二錢。溫黃酒下。日進二三次。肺
癰蜜湯下。忌魚腥發物。

一 牙痛一粒笑

治風火虫虛。各種牙齒疼痛。或牙根浮腫者。將藥一粒。細
於患處。化卽止。如虛火牙痛。內服六味丸。老人服還少。

丹。

神效頑癬藥

專治陰陽頑癬。無論遠年近日。諸般癬瘡。每日用鵝翎蘸
麻油調搽七次。無不效驗。其藥切勿泄氣。

內消癰癧丸

治男婦憂思鬱怒。氣積於肝胃兩經。而成癰癧。此能解鬱
結。清寒熱。滌痰火。消頰腫。每服三錢。開水送下。

兩頰生香散

胃經虛火上攻。口臭難聞。宜清胃火。則口不臭。而頰香矣。
此藥滾水調服一二錢。

傷科八釐散

凡跌打損壓墜馬以及兵刃杖棍傷者骨節經絡瘀血結滯用好酒服八釐小兒服三釐此方係異人傳授有歌曰千金世上難尋行血止痛如神接骨續筋立應內傷外損皆靈入釐一服保安甯須臾便得活命可見其應如響矣

擦面一光散

此散專治面上雀斑或疥瘋燥痒洒刺粉刺肌膚不潤凡一切垢滯俱可用此每早晚用少許水調手心濃擦良久以溫水洗面久久擦之斑點俱退光潤可觀矣

離宮錠

凡疔瘡腫毒初起時不覺其痛皮肉不癢○漫腫無頭者急
用此錠將清水磨濃調敷其效甚神

坎宮錠

治一切熱毒宜用清涼之藥乃一定之理也其患處焮赤
紅腫必非陰症此錠配清涼之味凡諸般熱毒陽症以及
五種痔瘡用涼水調磨搽之其效甚捷

治毒紫霞丹

治癰疽發背一切惡瘡腫毒初起內服外敷即能消散已
潰者托膿止痛行血利氣兼能退腫逐瘀並治跌撲損傷
俱用黃酒化服外敷用茶汁調磨

千金不易丹

夫痔有牝牡虫血之異名其實由大腸蘊積濕熱所致然論其始多因醉飽入房厚味煇炒以致濕熱風燥流注肛門爲腫爲瘡此丹以涼血爲主行氣寬腸清熱利濕則三虫五痔可治矣或形如鷄管時痛時痒者用田螺水調敷患處無不立效

救苦勝靈丹

此治瘰癧馬刀頰癭等症或生耳下或耳後下頸至肩或入缺盆中皆手足少陽經受邪蘊熱而作東垣立此法以治之誠嘉惠後人無窮之心也每服三錢滾水送下

蟾酥錠

專治癰疽發背。無名腫毒。諸般惡瘡。初起。及一切毒虫。蛇
蠍咬傷。俱用濃茶汁。或涼水磨塗。神效。忌鷄鵝魚腥厚味
辛辣發物。

稊陽洞天毓真膏

此膏能鎮玉池。通血脈。鎖骨節。貼之。氣血流暢。陽健不衰。
精髓充盈。百戰百勝。俟婦人經淨之時。去膏而泄。則可成
孕。此藥專補虛損。固下元。通三關。有返老還童。益壽延年
之妙。老人貼之。夜不漩溺。又治男子精滑腎虛。小腸疝氣。
腰腿骨節疼痛。並婦人子宮虛寒。久不受孕。赤白帶下。經

水不調等症貼臍下丹田穴。每張可貼一月再換。功效甚驗。或貼腰間亦可。

萬應靈膏

治五勞七傷。癱瘓麻木。筋骨拘攣。寒濕諸痺。咳嗽哮喘。跌撲損傷。肚腹疼痛。胸脇脹滿。一切風氣。男子遺精。女子赤白帶下。及內傷百病。俱照銅人圖按穴貼之。定見奇功。

消痞狗皮膏

專治一切氣痞癥瘕。血塊積聚。腹脹疼痛等症。將膏在滾茶壺上隔水烘至極熱。貼患處。用燂手揉百轉。無不效驗。百日內。禁忌酒色。氣惱。勞心。勞力。諸般發物。貼後能作寒。

熱肚痛下穢其疾消愈矣。

外科礪砂膏

治癰疽發背諸般惡瘡能去腐肉生新肉一切瘡癤初起貼之即消已成者即潰及痰核硬塊癰癤串毒貼之化堅消散易於收功其妙不能盡述。

三陰瘡疾膏

專治四日兩頭之瘡疾無論老幼俱於發日五更未發未食時患者仰臥將膏烘熱貼於臍上用手工在膏上揉至百下再睡一覺方可食物本日不可過飲湯水孕婦勿用忌生冷油膩鷄蛋菱芋麵食一切發物並忌房事。

神效頭風膏

專治一切偏正頭風疼痛。貼兩太陽穴。卽止。

觀音救苦膏

此膏觀音大士仙傳濟世。能治一切無名腫毒。癰腫發背。疔毒風氣等症。俱貼患處。另有正反穴銅人圖。依方治之。定能奏效。

一治無名腫毒。疔瘡。癰腫發背。諸般惡瘡初起。卽用此膏貼之。可以消散。瘡勢已成者。能使以大化小。潰者排膿去腐。一切瘡毒。俱貼患處。肺癰貼肺俞穴。

一治瘰癧痰串。未破頭者。卽能消散。破頭者。貼之能去。

串核。

一治癩瘡脚氣貼之每日洗換一次十日即愈。

一治偏正頭風左患貼左右患貼右正患貼印堂。

一治眼科七十二種風火赤腫星脹雲翳迎風流淚等症將耳上角針刺血出將膏藥貼之甚效。

一治風火牙痛虫牙疼痛貼之即止。

一治諸般腹痛胃脘氣滯疼痛即於痛處貼之。

一治中風癱瘓麻木半身不遂左患貼左右患貼右風氣損傷骨節酸疼一切風氣俱貼痛處。

一治臃脹氣脹血臃俱貼臍下丹田穴。

一治五勞七傷。貼夾脊穴。尾閭穴。肚臍。

一治噎膈氣膈。食膈痛膈。俱貼胃口肚臍。

一治哮喘咳嗽。濕痰寒氣。閉塞不通。俱貼前後心。

一治小兒驚風。眼珠翻上。氣喘痰壅不通。並小兒諸般。

疳積。腹大如鼓。面黃小便不利。俱貼臍上。

一治瘧疾。一日二日及三陰瘧疾。久發不止。俱貼肚臍。

一治婦人經水不調。赤白帶下。俱貼臍下丹田穴。

疥瘡麻黃膏

專治一切風寒濕毒。或傳染而起。膿窠癩疥。或濕熱濕毒。坐板成瘡。無論輕重。搽之無不應驗。

傷科七釐散

專治金刃跌打損傷。閃腰挫氣。傷筋折骨。墜車落馬。血流不止。先以此散摻於患處。包紮妥固。卽能止血定痛。若食喉割斷。用新剝鷄皮急爲包裹。以此藥末乾摻。如恐瘀血凝滯。臟腑再用溫酒送服一匙。並治一切瘡毒。可以內服外敷。神驗。凡跌打諸傷。有未破已破之分。有亡血瘀血之異。若從高墜下。或杖棍受傷。俱有瘀血流注臟腑。或昏沉不醒。二便秘結。肚腹膨脹。惡心乾嘔。遍身腫痛。急用此散調服一錢。黃酒燒酒任送。然後再服湯藥。孕婦可敷勿服。

凡人身生瘡毒癬癩。或痛痒抓破成片。或散漫如疥。內皆有蟲。此藥無論近年遠日。俱可用豬油調搽。立驗。

擦面玉容丸

專治面貌粗澀。多生黑點。粉刺雀斑。酒刺風刺。及肌膚癢。癢不潤無光。此藥能潤肌膚。悅顏色。面如凝脂。光潔如玉。每早晚用一丸。擦洗。妙難盡述。

大楓子油

專治疥癬風濕諸瘡。善能止痒潤肌。如和瘡藥搽擦。更妙。兼治乾癬搔痒不休。時時潤之。有殺虫劫毒之功。

吹耳紅棉散

凡耳內流膿腫痛不已。此係三焦積熱。肝火妄動。以致閉塞。生膿。宜先用綿帛蘸盡耳內膿水。後將綿帛染藥。送入耳底。其膿自止。小兒胎熱胎風。致成耳痛者。亦可治。

蠟鑿丸

凡癰疽二毒。由心而生。有陰陽之分。陽盛者。初起焮腫。色赤疼痛。易潰易斂。順而易治也。陰盛者。色黯不紅。塌陷不腫。堅硬不疼。難潰難斂。逆而難治也。半陰半陽者。漫腫不高。微痛不甚。微焮不熱。色不甚紅。此雖外症。然必察脈內托。辨其陰陽虛實。寒熱表裏。內外兼治。斯可得愈。是丸凡一切癰疽瘡毒潰後。每服二錢。蜜湯送下。日進三次。能護

腹托裏排膿止痛使毒不攻心最神驗也或毒虫蛇犬等傷用開水服二錢立效

小金丹

此丹治癰癤痰核乳岩橫痃及一切無名陰疽等症初起未成卽消已成卽潰並杜流走竄生之患每早晚取一丸隔布敲碎用溫酒送下蓋被取微汗爲度應驗如神不可與各種參同服

犀黃醒消丸

治一切疔瘡癰疽癰癤乳岩橫痃初起立能消腫止痛每用熱陳酒送下五分服至收功止患上部臨臥時服下

部心空服。孕婦勿服。

牙痛玉帶膏

專治風火牙痛及虫牙痛。牙根浮腫。貼於患處。閉口勿語。立驗如神。

清濕紫金膏

凡人脚氣有濕滯。其平日或受山嵐瘴氣。或因暑天地濕。上衝。以致紅腫痛痒。抓破潰爛者。或每年一發。或日久不愈。此膏貼之立效。

陽和解凝膏

治一切已破陰疽。乳岩惡核。瘰癧流注。諸般白色惡疽。潰

爛不能收口者。貼之漸可收功。效若仙丹。不可輕視。並治
瘡疾凍瘡皆效。

附喉症秘方

牛黃生肌散

專治感受時疫。發爲白喉。其症喉內現有白點。白條。白塊。
漸至滿喉。皆白。症極危險。七日不治。以此散頻頻吹入。患
處。勿計次數。少和萬應丹。同吹更妙。內服除瘟化毒散。重
者。神功辟邪散。再重者。神仙活命湯。主之。每日二三劑。不
得間斷。以白點退盡爲度。按此症初起。惡寒發熱。頭痛
背脹。遍身骨節疼痛。頗似傷寒傷風表症。不可誤用發表

之藥。須察其喉內。或極痛。或微痛。或不痛而微硬。有隨發而白。隨現者。有至二三日而白始現者。治者宜詳審病源。或舌胎黃黑。或喉干唇焦。小便短澀微黃。大便泄瀉帶黑。是爲火毒凝結。自下而上。薰蒸肺臟。肺屬金色白。所以現其本色。不得以其色白爲寒症。若差之毫釐。失之千里矣。內服三方列后。

除瘟化毒散

此方白喉初起宜之。凡單雙蛾及喉痛皆可服。

粉葛	一二錢	黃芩	一二錢	生地	二三錢
枝仁	一二錢	薑蚕炒	一二錢	浙貝	三錢

豆根 二錢 木通 二錢 蟬退 一錢

甘草 五分 冬霜葉 二錢引

神功辟邪散

粉葛 二錢 生地 四錢 木通 一錢

連翹 二錢 姜蚕 三錢 浙貝 三錢

銀花 二錢 馬勃 二錢 用絹包煎

蟬退 一錢 黃芩 二錢 牛蒡 二錢

麥冬去心 三錢 生青菓 三個引

神仙活命湯

龍胆草 一錢 金銀花 二錢 黃芩 三錢

生地 四錢 木通 二錢 土茯苓 五錢

生石羔 三錢 馬勃 三錢用絹包煎

車前 二錢 浙貝母 三錢 蟬退 一錢

姜蚕 三錢 生青菓 五個引

以上二方白喉重者宜之日服二三劑少則不效單雙
蛾喉癰及喉內紅腫去土茯苓金銀花馬勃其餘均可
斟酌服之

萬應丹

凡各種喉痺危險之症多有頑痰閉塞喉間宜用此丹吹
入取去痰涎其病自易痊愈

冰梅丸

咽喉之處爲呼吸之所通。飲食之所由。關係甚大。若風火客於少陰之經。以致濁氣上冲。喉舌腫痛。痰涎壅塞。發爲喉風。喉癰。喉痺。單雙蛾等症。勢最危險。宜用此丸噙化。以開痰降火。而腫痛自消矣。

冰梅上清丸

凡人聲音呼吸。以咽喉口舌爲出入之門。此一身之性命關係。爲甚大也。若肝心蘊熱。上冲咽喉口舌。以致紅腫生瘡。急宜清音祛火爲主。此丸順氣消熱。能清上焦之火。臨時噙化。

清音鐵笛丸

凡人咽喉以司呼吸。若傷於風熱。則喉嚨不清。聲音不爽。甚者口燥咽乾。津液難以下咽。致有聲啞。或咳嗽失音等症。每用一粒。不拘時噙化。日進數丸。忌烟酒動火之物。

萬應喉中散

專治喉痺。纏喉風。雙單乳蛾。喉癰。喉瘡。陰虛咽痛等症。吹之。效若仙丹。

開喉金鎖匙

專治喉痺。纏喉風。痰涎壅塞。口噤不開。湯水難下。每用少許吹入。痰涎立出。

雄黃解毒丸

治一切急喉痺。危險之症。如至死者。心頭尚熱。即以鐵匙
挖開口。研碎灌之。下咽即活。每服七丸。清茶送下。吐出痰
涎即愈。又治小兒驚風痰壅。每服二三丸。神效。

蘇明愈。及治小兒。發熱。與。聖。藥。別。二。三。或。輸。救。
身。開。口。極。難。言。六。十。即。始。出。身。細。小。枝。葉。茶。送。下。出。
身。一。日。身。熱。漸。減。或。身。熱。不。止。身。熱。漸。減。或。身。熱。不。止。
身。熱。漸。減。或。身。熱。不。止。身。熱。漸。減。或。身。熱。不。止。

此處文字極其模糊，似有「身熱漸減」等字樣，但難以辨認。

膠膏露酒油

古人嘗物辨性創製丸散炮炙飲片諸藥法
皆盡善已無遺品而膠膏露酒油諸製其方
亦並傳而不朽古人云諸膠皆補惟黑驢皮
膠尤妙其色黑屬水養肝種子調經為功甚
大但阿井封久難汲本堂選用純黑驢皮將
西湖水漂淨煎成故其功亦不減於阿井至
於潞黨參膏具陽生陰長之功得敷布精微

之妙而黃耆金櫻皆各有主對症服之應手
神驗若夫潤澤萬物者露也各種花露皆有
益處至於油性通散亦俱療患如神酒能祛
風活血或半身不遂手足麻木骨節痠疼相
其病源擇所製諸酒中宜者飲之自然營衛
調和補精益氣凡此五者皆能輔人之養生
助藥之不及是以其功不在諸品之下也今

詳載如左

本草綱目

諸膠門

全副虎骨膠

虎爲金獸。吼則撼物。動而生風。能制風木之爲病。凡筋骨
毒風。屈伸不得。走注疼痛。歷節風攣。行痺著痺。鶴膝痿弱。
並宜服之。能散惡辟邪。止驚癇。健筋骨。惟陰血不足者忌
服。

杜煎鹿角膠

鹿爲陽獸。夏至角解。其角能達陰中之陽。補尾閭而通督
脈。煉而成膠。能補右腎精氣。主治虛損羸瘦。補中益氣。壯
筋骨。益精血。男子傷中勞絕。腰痛膝軟。女子胎動不安。血

閉無子崩漏帶下及男婦尿血跌打損傷腫毒瘡瘍並有奇功溫酒化下二三錢惟陰虛火熾者忌服

杜煎毛角膠

鹿本純陽之獸而諸陽之會鐘於毛角製煉成膠故能養血助陽生精補髓壯筋健骨並治腰腎虛寒四肢無力遺精崩帶一切虛損勞傷等症空心酒化服二三錢其功勝於鹿膠

杜煎麋角膠

麋角冬至陽生而解從陰退之象故補陰以麋角爲勝其角熬膠能益左腎血液治陰虛勞損腰膝不仁筋骨痠痛

及婦人崩中下血。一切血虛陰虧等症。酒化服二三錢。

杜煎鹿腎膠

鹿乃仙獸。性淫多壽。取其腎以熬膠。能補陽氣。益精添髓。安五臟。煖丹田。男子陽精不足。女子胞寒宮冷。崩淋帶下。不能孕育者。男女同服。每日早晚空心黃酒沖服三錢。

杜煎霞天膠

夫人以先天爲本。而先天又必藉後天以榮養者也。如後天之脾胃。失運化之職。則精血又爲痰爲飲。無以榮養先天。而神疲氣餒。百病叢生矣。黃牛秉坤之德。爲脾之畜。脾主肌肉。以之煎煉成液。去濁取清。製以爲膠。能搜剔腸胃。

中留結則轉運健而痰濁消。清氣升而神色澤如赤水之
氣上蒸爲霞。故名之曰霞天。信補養後天之上藥也。溫酒
化服二三錢。

杜煎黃明膠

牛屬土得中正之氣。取其皮以煎膠。能治咳嗽肺痿癰疽
腫毒腸紅痔漏。女子血虛淋帶。補虛潤燥。益陰化痰。除風
活血。效非一端。溫酒化下二三錢。

龜鹿二仙膠

李時珍曰。龜鹿皆靈而壽。龜首常藏向腹。能通任脈。故取
其版以養陰補血。鹿首常返向尾。能通督脈。故取其角以

養陽補精。合二仙以成膠。再加以補元滋潤之品。故治真元虧損。精血枯渴。五勞六極。瘦弱少氣。夢遺洩精。腰腿無力。目視不明。一切精極之症。久服聰耳明目。益壽延年。每日清晨好酒化服三四錢。大有奇效。

杜煎玄武膠

龜爲介長。稟氣北方。首常向腹。能通任脈。故靈且壽。大有補陰之功。煎煉成膠。益陰更勝。專治陰火上炎。鼻衄吐血。陰虛邪熱。骨中寒熱。痰癖癥瘕。傷寒勞復。婦人血熱赤白。漏下。陰蝕。陰瘡。五痔。血痢。小兒顛門不合。神效。凡無熱及孕婦勿服。

杜煎鱉甲膠

鱉爲介類。屬陰色青入肝。李時珍曰。鱉甲乃肝經血分之藥。故專滋肝血。益陰和陽。治吐血咯血。骨蒸寒熱。痞塊癥瘕。瘡母。腸癰痔核。及婦女崩淋帶濁等症。無不神效。胃弱泄瀉者忌服。

純黑驢皮膠

古稱阿膠。出山東兗州府東阿縣阿城鎮。其地有阿井。乃濟水伏流所注。用黑驢皮煎成。但此井設官禁守。民間罕搆。今東省所貨者。水不得阿井皮。不擇黑驢。任用牛馬雜皮。以常井水煎成。名存實去。以假亂真。所謂阿井膠。實難

得耳。然經云。諸膠皆補。獨黑驢皮尤妙。以其色黑屬水。眷肝堅腎清。肺化痰。熄風潤燥。種子調經。補陰養血。及男婦虛勞咳嗽。吐血。衄血。崩中帶下。血痛。經枯。腸風。下痢。胎前產後諸症。溫酒化下。二三錢。爲功甚大。查杭州西湖之水。味甘體潔。今本堂選用純黑驢皮。以西湖水漂淨。然後取汲煎成。因實其名曰黑驢皮膠。不敢自欺。故叙其顯末云。

四腿虎骨膠

夫虎之一身。筋節氣力。皆在於四脛。故能追風定痛。凡有腰脚不隨。臂脛疼痛。驚悸健忘。風痛邪氣。以及心腹鬼疰。休息痢疾。痔漏脫肛。服之咸宜。

杜煎狗腎膠

狗腎味鹹性溫能助腎氣壯陽道暖腰膝益精力治五勞七傷陽事不興填精補髓兼治婦人產後腎勞體寒如瘧者用此膠化服二三錢極效

杜煎虎頭膠

李時珍曰虎骨俱可用惟隨病取之耳如手足無力當用脛骨腰背諸風當用脊骨而頭乃一嘯而風生振動而有威故能追風定痛辟邪疰治驚癇祛頭風療瘡疽煎熬成膠取而服之應效如神

諸膏門

潞南黨參膏

此膏補中焦以養冲和。具陽生陰長之功。培戊己而生肺金。得敷布精微之妙。定驚悸。除煩渴。添精補髓。固氣安神。每早晚開水調服四五錢。大有功效。

岢嵐黃芪膏

此膏緻密腠理。治陽虛自汗。並能補中益氣。培土生金。每用三四錢開水冲服。

太極兩儀膏

是膏專治氣血兩虧。嗜慾勞傷。精神虧損。陰盛陽浮。漸至

胃敗脾弱。形體憔悴。腰痠膝軟。下元不固之症。苟能恆服。大補元氣。自有陽生陰長之功。每服三四錢。開水送下。

臞仙瓊玉膏

此膏治肺中火盛。津液枯耗。虛勞乾咳。有聲無痰。或痰中帶血。久成勞傷。最能清肺止咳。生津補氣。乃血症第一神方。每服三四錢。開水送下。

固精金櫻膏

沈存中筆談云。金櫻子止遺泄。取其瀉也。其味酸瀉。熬膏則甘。最能益氣固精。治脾洩下痢。小便澀多。久服令人輕身耐老。活血駐顏。每服三錢。煖酒調服。

生津雪梨膏

此膏能清肺金降肺火。止咳嗽。化痰涎。解渴除煩。生津潤燥。療口燥咽乾。或陰虛火旺。勞咳無痰。吐血咯血。痰中帶血。肺經虧損。悉能治之。每服五六茶匙。早晚用滾水沖服。

益肺枇杷膏

枇杷葉氣味苦平。治嘔噦不止。肺氣熱嗽。和胃降氣。濟暑解熱。每服三錢。開水沖服。

調經益母膏

此膏治婦人經脈不調。血風血痛。能養血安胎。凡產後惡露不盡。臍腹疼痛。胃膈滿悶。頭目暈眩。並能去瘀生新。每

用三錢黃酒調服。

消堅夏枯膏

治男婦憂思氣鬱。濕痰邪熱。結聚而成癭癧。瘰癧。發於項前。項後。左右兩側。或有繞項而生者。種種不一。此因肝旺血燥。若驟用迅烈之藥。恐傷脾胃元氣。以此膏逐日常服。二三錢。開水沖下。自能宣通氣血。清熱化痰。日漸內消。已破者。亦能漸愈。並可攤貼患處。大有神功。忌氣惱。魚腥。發物。

定痛豨薟膏

治肝腎不足。中風麻痺。口眼喎斜。語言蹇澀。手足不仁。筋

骨痠痛。風濕癢瘡等症。每服三四錢。開水送下。

補腎桑椹膏

桑爲箕星之精。能補肝臟之血。其椹色黑。能滋腎經之水。善於明目。舒筋活絡。止渴生津。久服此膏。可烏鬚黑髮。每用開水沖服三四錢。

金釵石斛膏

此膏味甘性平。能補五臟虛羸。填精髓。強筋骨。平胃氣。祛肌膚邪熱。療脚膝冷痺。緣此品空鬆。炒磨無粉。用作丸方。恐無功效。茲本堂煎液熬膏。以便配入丸內。庶乎得益。

天麥二冬膏

此膏清心潤肺降火滋陰專治失血勞傷肺熱咳嗽化熱
痰生津液每服三錢開水調下

平肝玫瑰膏

玫瑰花乃肝經之藥平肝順氣和胃寬胃取以煎膏可治
九種心痛之病功效甚神每服三錢開水沖下

秘製代參膏

脾爲肺母氣爲水母肺者氣之本肺爲華蓋其位至高各
臟受氣於此若肺氣有虧則他臟皆失其轉輸而無以榮
養矣此膏潤肺以和中補脾以益氣兼能和血養心而元
氣自復功效如是誠可代人參矣每用開水沖服四五錢

各種花露門

金銀花露

味甘性寒。解毒散熱。小兒稀痘。療風養血。

玫瑰花露

味甘性溫。養肝悅脾。九種心疼。飲之神怡。

薔薇花露

味酸性溫。除熱祛邪。驚風瘡毒。服之可瘥。

白荷花露

味澁性平。止血消瘀。清心通腎。淋濁能祛。

茉莉花露

味辛性熱。功專難產。搽面香肌。鬚髮能長。

早桂花露

味辛性溫。消陰益陽。平肝補腎。牙痛最良。

白菊花露

味甘性平。除熱祛風。迎風流淚。頭暈奏功。

夏枯草露

味苦性寒。瘰癧癭瘤。破癥散結。濕痺能瘳。

枇杷葉露

味苦性平。和胃清肺。止咳化痰。潤燥除氣。

地骨皮露

味甘性寒。傳尸骨蒸。瀉熱涼血。火降水升。

鮮稻頭露

味甘性平。開胃化熱。養正培元。生津補血。

鮮橄欖露

味甘性平。下氣清咽。生津醒酒。毒解魚鮮。

鮮佛手露

味苦性溫。醒脾開胃。理氣寬胸。消積遂痞。

鮮藿香露

味辛性溫。霍亂嘔吐。祛除恶氣。清熱消暑。

薄荷葉露

味苦性涼。消散風熱。痰嗽失音。能清喉舌。

鮮生地露

味甘性寒。涼血滋陰。燥結胃熱。瀉火清金。

霜桑葉露

味甘性寒。除痺祛風。明目涼血。濕熱上攻。

黃菊花露

味苦性平。除風散痺。癰毒疔瘡。養血利氣。

陳香櫞露

味酸性溫。開胃理氣。心痛牙疼。寬中化滯。

馬蘭頭露

编号

册数

售价

0.40



味苦性寒消積豁痰驚癇喉痺飲之能安

香青蒿露

味苦性寒惡瘡搔癢勞熱骨蒸功能滌盪